



## УЛСЫН ОНЦГОЙ КОМИССЫН ДАРГЫН ТУШААЛ

2021 оны 09 сарын 02 өдөр

Дугаар 31

Улаанбаатар хот

### Түр журам, заавар батлах тухай

Гамшгаас хамгаалах тухай хуулийн 27<sup>1</sup> дугаар зүйлийн 27<sup>1</sup>.1.4, 28 дугаар зүйлийн 28.1.5, Коронавируст халдварт (КОВИД-19)-ын цар тахлаас урьдчилан сэргийлэх, тэмцэх, нийгэм, эдийн засагт үзүүлэх сөрөг нөлөөллийг бууруулах тухай хуулийн 8 дугаар зүйлийн 8.1.8 дахь заалтыг тус тус үндэслэн ТУШААХ нь:

1. "Тусгаарлан ажиглах үйл ажиллагааг зохицуулах түр журам"-ыг нэгдүгээр, "Гэр (амрах байр)-ийн тусгаарлалт, ажиглалтын үйл ажиллагааг зохицуулах түр журам"-ыг хоёрдугаар, "Коронавируст халдварт /КОВИД-19/ илэрсэн объектыг хамгаалах түр журам"-ыг гуравдугаар, "Голомтот бус нутгаас агаарын хөлгөөр зорчигч тээвэрлэхэд баримтлах халдвараас сэргийлэх түр заавар"-ыг дөрөвдүгээр хавсралтаар тус тус баталсугай.

2. Энэ тушаалын хэрэгжилтийг хангаж ажиллахыг Эрүүл мэндийн сайд /С.Энхболд/, Гадаад харилцааны сайд /Б.Батцэцэг/, Зам, тээврийн хөгжлийн сайд /Л.Халтар/, Цагдаагийн ерөнхий газрын дарга /цагдаагийн хурандаа Ж.Болд/, Мэргэжлийн хяналтын ерөнхий газрын дарга /Т.Гантулга/ нарт тус тус даалгасугай.

3. Батлагдсан түр журам, зааврыг хэрэгжүүлж ажиллахыг Улсын онцгой комиссын Шуурхай штаб, аймаг, нийслэл, сум, дүүргийн Онцгой комиссын дарга нарт тус тус үүрэг болгосугай.

4. Тушаалын хэрэгжилтэд хяналт тавьж ажиллахыг Улсын онцгой комиссын орлогч дарга /бригадын генерал Г.Ариунбаян/-д даалгасугай.

5. Түр журам, заавар батлагдсантай холбогдуулан Монгол Улсын Шадар сайдын "Түр журам, заавар батлах тухай" 2021 оны 20 дугаар тушаалыг хүчингүй болсонд тооцсугай.



Улсын онцгой комиссын даргын 2021 оны  
И. дугаар тушаалын нэгдүгээр хавсралт

**ТУСГААРЛАН АЖИГЛАХ ҮЙЛ АЖИЛЛАГААГ ЗОХИЦУУЛАХ**  
**TYP ЖУРАМ**

**Нэг. Нийтлэг үндэслэл**

1.1. Тусгаарлан ажиглах үйл ажиллагааг зохицуулах түр журам /цаашид “түр журам” гэх/-ын зорилго нь Коронавируст халдварт (КОВИД-19)-ын үед гадаад улсаас ирсэн иргэнийг тусгаарлах байранд тусгаарлан ажиглах үйл ажиллагааг зохион байгуулах, халдвараас сэргийлэх дэглэмийг мөрдүүлэх, холбогдох байгууллага, албан тушаалтан, тусгаарлагдсан хүний хүлээх үүрэг хариуцлагыг тогтооход оршино.

1.2. Тусгаарлан ажиглах үйл ажиллагаанд Гамшгаас хамгаалах тухай хууль, Коронавируст халдварт /КОВИД-19/-ын цар тахлаас урьдчилан сэргийлэх, тэмцэх, нийгэм, эдийн засагт үзүүлэх сөрөг нөлөөллийг бууруулах тухай хууль болон бусад хууль тогтоомж, энэхүү журмыг мөрдлөг болгоно.

1.3. “Тусгаарлан ажиглах” гэж гадаад улсаас ирсэн Монгол Улсын иргэн, гадаадын иргэн, харьяалалгүй хүнийг урьдчилан тусгай шаардлагын дагуу бэлтгэсэн тусгаарлан ажиглах байранд төрийн болон нутгийн захиргааны байгууллагын хяналтад байлгахыг хэлнэ.

1.4. Тусгаарлан ажиглах үйл ажиллагааг улсын хэмжээнд Улсын онцгой комиссын Шуурхай штаб /цаашид “УОКШШ” гэх/, орон нутагт аймаг, сумын онцгой комиссын Шуурхай штаб /цаашид “АСШШ” гэх/ нэгдсэн удирдлага зохион байгуулалтаар хангана.

1.5. Тусгаарлан ажиглах үйл ажиллагаанд дараах зарчмыг баримтална:

- 1.5.1. хүний амь нас, эрүүл мэнд, аюулгүй байдлыг хангах;
- 1.5.2. хууль дээдлэх, хүний эрхийг хангах;
- 1.5.3. шуурхай, ил тод байх;
- 1.5.4. хувь хүний нууцыг чанд хадгалах;
- 1.5.5. байгууллага хоорондын хамтын ажиллагааг хангах;
- 1.5.6. авлига, ашиг сонирхлын зөрчлөөс ангид байх;
- 1.5.7. тусгаарлан ажиглах байрны нэг өрөөнд нэг хүн, нэг гэр бүлийн гишүүд, асран хамгаалагч, харгалзан дэмжигч, хамтран амьдрагчийг хамтад нь байрлуулах;.

1.6. Тусгаарлан ажиглах үйл ажиллагааны баримт бичгийг хуулийн этгээд бусдад шилжүүлэх, дамжуулахдаа цахим гарын үсэг хэрэглэнэ.

1.7. “Сэжигтэй тохиолдол” гэж коронавируст халдварт (КОВИД-19)-ын эмнэл зүйн болон тархвар судлалын шалгуур үзүүлэлтээр шинж тэмдэг илэрсэн иргэнийг хэлнэ.

**Хоёр. Тусгаарлан ажиглалтын хугацаа, зохион байгуулалт, шинжилгээ**

2.1. Тусгаарлан ажиглах байранд тусгаарлах хугацааг дараах байдлаар тогтооно:

2.1.1. гадаад улсаас ирж байгаа коронавируст халдварт (КОВИД-19)-ын эсрэг вакцинд хамрагдаагүй, вакцины бүрэн тун хийлгээгүй хүнийг 7 хоног;

2.1.2. коронавируст халдварт (КОВИД-19)-ын батлагдсан тохиолдол /цаашид “Батлагдсан тохиолдол” гэх/-ын ойрын хавьтлыг өөрийн хүсэлтээр тусгаарлан ажиглах байрны төлбөрийг төлүүлж 7 хоног.

2.1.3. батлагдсан тохиолдолд хэвтүүлэн эмчлэх тусламж, үйлчилгээ үзүүлсэн

эмч, эмнэлгийн ажилтныг 7 хоног.

2.1.4 гадаад улсаас ирж байгаа иргэдэд үйлчилгээ үзүүлсэн агаарын хөлгийн үйлчлэгчийг 7 хоног,

2.2. Монгол Улсад суугаа дипломат төлөөлөгчийн газрын дипломат ажилтан болон тэдгээрийн гэр бүлийг тухайн улсын дипломат төлөөлөгчийн газрын байранд тусгаарлаж болно.

2.3. Тусгаарлан ажиглах байранд тусгаарлагдсан хүнд "ПГУ/PCR"-ын шинжилгээ авах ажлыг тусгаарлагдсанаас хойш 3 болон 6 дахь хоногт нийслэлд Халдварт өвчин судлалын үндэсний төв /ХӨСҮТ/-ийн шуурхай хариу арга хэмжээний баг, орон нутагт харьяа Эрүүл мэндийн байгууллага зохион байгуулна.

2.4. Эмнэлзүйн шинж тэмдэг илрээгүй, 2 удаагийн "ПГУ/PCR"-ын шинжилгээний "сөрөг" хариу гарсан, тусгаарлагдах хугацаа дууссан бол тусгаарлалтыг дуусгана.

2.5. Тусгаарлан ажиглах байранд тусгаарлагдах хугацаа дууссан, батлагдсан тохиолдолд илрээгүй хүнийг гэрийн ажиглалтад шилжүүлнэ.

2.6. Гадаад улсаас ирж, тусгаарлан ажиглах байранд тусгаарлагдах хугацаанд хүнээс батлагдсан тохиолдолд илэрвэл эмнэлэгт шилжүүлэн эмчилнэ.

2.7. Дор дурдсан хүнийг тусгаарлан ажиглах байранд тусгаарлахгүй:

2.7.1. Коронавируст халдвэр (КОВИД-19)-ын эсрэг вакцины бүрэн тун авсанаас хойш 14 хоногийн хугацаа өнгөрсөн;

2.7.2. Коронавируст халдвэр (КОВИД-19) авч, эмчлүүлж эдгэрсэн;

2.8. Тусгаарлан ажиглах байранд тусгаарлагдахгүй иргэн вакцины бүрэн тун авсан, эмчлүүлж эдгэрсэн талаархи нотломжкоо үнэн зөв гарган өгөх үүрэг хүлээнэ.

2.9. Тусгаарлан ажиглах байранд эрүүл мэнд, онцгой байдал, цагдаагийн байгууллагын алба хаагч, зохион байгуулагч, үйлчилгээний ажилчид үүрэг гүйцэтгэнэ.

2.10. Тусгаарлан ажиглах байранд үүрэг гүйцэтгэх үед батлагдсан тохиолдол бүртгэгдээгүй бол төрийн албан хаагч, тусгаарлах байрны ажилчдаас "ПГУ/PCR"-ын шинжилгээ авч, "сөрөг" хариу гарвал гэрийн ажиглалтад шилжүүлнэ.

2.11. Тусгаарлан ажиглах байранд үүрэг гүйцэтгэх үед батлагдсан тохиолдол бүртгэгдсэн бол ажилласан төрийн албан хаагч, тусгаарлах байрны ажилчдыг үргэлжлүүлэн ажиллуулах, тусгаарлан ажиглах байр руу шилжүүлэх эсэхийг тандалтын багийн дүгнэлтийг үндэслэн тухайн шатны Онцгой комиссын шуурхай штаб шийдвэрлэнэ.

2.12. Иргэнийг тусгаарлан ажиглах байранд хамгаалан хүргэх, хүлээлгэн өгөх ажлыг Цагдаагийн байгууллагын хамгаалалт дор зохион байгуулна.

2.13. Тусгаарлан ажиглах байранд ажиллаж буй эрүүл мэнд, онцгой байдал, цагдаагийн алба хаагч, ажилтнаас эмнэлзүйн шинж тэмдэг илэрсэн, эсвэл шинжилгээний "эерэг" хариу гарсан тохиолдолд тусгаарлан ажиглах байрнаас бусад хүнийг гаргахыг тандалтын багийн дүгнэлтийг үндэслэн тухайн шатны ОКШШ шийдвэрлэнэ. Тандалт судалгааг боломжит богино хугацаанд хийж гүйцэтгэнэ.

### **Гурав. Тусгаарлан ажиглах байр, түүнд тавигдах шаардлага**

3.1. Тусгаарлан ажиглах байрыг дараах эрэмбээр сонгоно:

3.1.1. зочид буудал

3.1.2. амралтын газар, сувилал

3.1.3. их, дээд сургууль, мэргэжлийн сургалт, үйлдвэрлэлийн төвийн дотуур байр, спорт цогцолбор, заал

3.1.4. ерөнхий боловсролын сургуулийн дотуур байр

3.1.5. гадаад улсаас Монгол Улсад суугаа дипломат төлөөлөгчийн газрын байр  
3.2. Тусгаарлан ажиглах байрыг сонгох ажлын хэсгийг нийслэлд Улсын онцгой комиссын даргын тушаалаар, орон нутагт аймгийн Онцгой комиссын даргын тушаалаар томилно.

3.3. Хуулийн этгээд нь энэ журмын 3.1-т заагдсан объектыг тусгаарлан ажиглах байрын зориулалтаар ашиглуулах хүсэлтээ ажлын хэсэгт гаргана. Ажлын хэсэг нь уг хүсэлтийг судлан үзэж, энэхүү журмын З дахь хэсэгт заасан шаардлагад нийцсэн объектыг тусгаарлан ажиглах байраар сонгоно.

3.4. Сонгогдсон объектын дүгнэлт, дэлгэрэнгүй мэдээллийг ажлын хэсгээс УОКШШ, аймгийн Онцгой комиссын Шуурхай штабт хүргүүлнэ.

3.5. Тусгаарлан ажиглах байрны эзэмшигчтэй байгуулах гэрээний загварыг онцгой байдлын байгууллага боловсруулж, санхүүгийн төлбөр тооцооны гүйцэтгэлд хяналт тавина.

3.6. Тусгаарлан ажиглах байр нь дараах шаардлагыг хангасан байна:

3.6.1. цахилгаан, дулаан, усан хангамж, ариутгах татуургын төвлөрсөн болон хэсгийн системд холбогдсон, галын аюулгүй байдал, эрүүл ахуйн нөхцөл, шаардлагыг хангасан байх;

3.6.2. ундны усны хэсгийн систем, эх үүсвэр, хэрэглээний шугамын усанд мэргэжлийн хяналтын байгууллагаар нян судлалын шинжилгээг хийлгэж, дүгнэлт гаргуулсан байх;

3.6.3. цонхны салхивчийг нээх боломжтой, эсвэл агааржуулалтын системтэй, насанд хүрээгүй иргэний аюулгүй байдлыг хангасан байх;

3.6.4. өрөө тус бүр гар угаах нөхцөлөөр хангагдсан бие засах ариун цэврийн өрөөтэй, нэг өрөөнд энэ журамд заасан нөхцөлөөр иргэнийг хамт тусгаарласан тохиолдолд ор хоорондын зайл нэг метрээс доошгүй байх;

3.6.5. эрүүл мэнд, онцгой байдал, цагдаагийн алба хаагчийн байрлах өрөө нь гар угаах, усанд орох, бие засах нөхцөлөөр хангагдсан эсвэл гар угаах, усанд орох хэсэг нь ажиглалтад байгаа иргэнээс тусдаа байхаар зохион байгуулагдсан байх;

3.6.6. хяналтын камер, зарлан мэдээлэх төхөөрөмжийг давхар бүрт бүрэн хянах боломжтойгоор байрлуулсан, камерын бичлэг нь тусгаарлалтын нэг ээлжийн бичлэгийг бүрэн хадгалах хүчин чадалтай байх;

3.6.7. албан хаагчдын амрах, хоол үйлдвэрлэх, сэжигтэй тохиолдлыг түр тусгаарлах, цэвэрлэгээний материал, угааж халдвартайжүүлж, хадгалах өрөө, хамгаалах хувцас өмсөж, тайлах хэсэгтэй байх;

3.6.8. тусгаарлагдаж байгаа хүн, үүрэг гүйцэтгэж буй ажилтныг чанар, эрүүл, аюулгүй байдлын шаардлага хангасан хоол, хүнсээр хангах боломжтой байх.

3.6.9. өрөө бүрт дараах эд зүйлийг урьдчилан бэлтгэж байршуулсан байх:

а/ ариун цэврийн цаас, гарын болон эдийн саван, аяга, таваг угаагч шингэн, цэвэрлэгээний алчуур (гал тогооны, тоосны, шалны), өрөө, тасалгаа, ариун цэврийн өрөөнд хэрэглэх угаалга, цэвэрлэгээний бодис, хогийн сав, хар, шар өнгийн хогийн уут,

б/ "Эмнэлзүйн шинж тэмдэг тандах хуудас", халуун хэмжигч (эмнэлгийн ажилтан халуун хэмжихээр зохицуулсан бол шаардлагагүй), эмч мэргэжилтэнтэй холбоо барих утасны жагсаалт, ажиглалтын үед мөрдөх санамж, гал түймэр болон ослын үед ажиглах аврах гарцын бүдүүвч зураг, хориглох зүйлсийн анхааруулга, цэвэрлэгээний зааварчилгаа, хог гаргах цагийн хуваарь.

в/ хаалганы гадна талд хоол, эргэлтийн эд зүйлсийг тавих ширээ (сандал, шүүгээ)

3.7. Энэ журмын 3.6.1-д заасан "цахилгаан, дулаан, усан хангамж, ариутгах татуургын төвлөрсөн болон хэсгийн системд холбогдсон" гэсэн нөхцөл, шаардлага сум, тосгонд хамаarahгүй байж болно.

3.8. Хэсгийн усан хангамжтай тусгаарлан ажиглах байрны усны эх үүсвэр, ус түгээгүүрийн шугам сүлжээ, ус нөөцлөх санд холбогдох журмын дагуу хамгаалалтын бус тогтоож, бохирдолтоос хамгаалах арга хэмжээг авч, эрүүл ахуйн аюулгүй байдлыг хангана.

3.9. Зөөврийн усан хангамжтай тусгаарлан ажиглах байрны эх үүсвэрийн ус нөөцлөх савыг 3 сар тутам, ус зөөвөрлөх хадгалах савыг долоо хоногт 2-оос доошгүй удаа угааж цэвэрлэн, халдвартгүйжүүлнэ.

3.10. Хувцас тайлах хэсэгт толь, хамгаалах хувцас тайлах дарааллыг харуулсан зурагт хуудас, 50 литрээс дээш хэмжээтэй "Био аюултай" гэсэн тэмдэглэгээтэй шар өнгийн хогийн уут бүхий "хөл ажиллагаа"-тай хогийн сав зэргийг байрлуулсан байх.

3.11. Тусгаарлан ажиглах байрыг халдвартай-"улаан", халдвартын эрсдэл дунд буюу завсрын-"шар", халдвартгүй-"ногоон" гэсэн гурван бүсээр хуваана.

3.12. Хяналтын камерны дэлгэцийг тухайн байрны "ногоон бүс"-д байрлуулна.

3.13. Эмч мэргэжилтэн, бусад алба хаагчийн байрлах өрөө, хувийн хамгаалах хувцас, хэрэгслийг тайлах хэсэг, гол тогоонос тусгаарлан ажиглах өрөөнд хоол зөөвөрлөх, хоолны хэрэгслийг гол тогоонд хүргэх болон хог хаягдлыг зөөвөрлөх чиглэл зэрэг орох, гарахыг хориглосон хэсэгт нэг чигийн урсгалаар хөдөлгөөнийг давхцуулахгүй байхаар анхааруулах тэмдэг, тэмдэглэгээ байрлуулна.

3.1.4 Тусгаарлан ажиглах байрыг цагдаагийн байгууллагын хамгаалалтад авах бөгөөд гэрээт харуул хамгаалалт, камерын бүрэн хяналт бүхий тусгаарлан ажиглах байрны гадна орчинд цагдаагийн хамгаалалт гаргахгүй.

#### **Дөрөв. Улсын болон аймаг, сумын онцгой комиссын**

##### **Шуурхай штабын эрх, үүрэг**

###### **4.1. Улсын онцгой комиссын Шуурхай штаб дараах эрх, үүргийг хэрэгжүүлнэ:**

4.1.1. Нийслэлд тусгаарлан ажиглах байрны бэлтгэлийг хангуулах;

4.1.2. ажиллах эрүүл мэнд, онцгой байдал, цагдаагийн байгууллагын ажилтны мэдээллийг холбогдох байгууллагуудаас авч нэгтгэн, ажиллах хүчний нөөцийг төлөвлөх;

4.1.3. тусгаарлан ажиглах байранд байгаа хүн /бага насын хүүхэд, тусгай хоолны дэглэмтэй иргэн/-д олгох хоолны жишиг цэсийг хүний хоногийн хоол хүнсээр авбал зохих илчлэг, үндсэн шимт бодисын зөвлөмжийн хүрээнд холбогдох дүрэм, журамд нийцүүлэн мэргэжлийн байгууллагатай хамтран боловсруулж, батлуулах бөгөөд тусгаарлан ажиглах байрны менежерт хүргүүлэх;

4.1.4. тусгаарлан ажиглах байрны удирдлага, ажилтан, эрүүл мэнд, онцгой байдал, цагдаагийн алба хаагчдад халдвартгүйжүүлнэ; албан үүрэг, дэг журам сахиулахтай холбоотой сургалтыг сар бүр зохион байгуулж, ажлын хариуцлагад хяналт тавьж, илэрсэн зөрчлийг арилгуулах;

4.1.5. авто болон төмөр замын боомтоор татан авах иргэдийн нэрийн жагсаалтыг Монгол Улсаас Оросын Холбооны Улс, Бүгд Найрамдах Хятад Ард Улсад суугаа Дипломат төлөөлөгчийн газар болон бусад холбогдох байгууллагаас урьдчилан авах;

4.1.6. гадаад улсаас ирэх иргэн дархлаажуулалтын бүрэн тун авсан эсэх мэдээллийг Дипломат төлөөлөгчийн газар, агаарын тээврийн компани болон автозам, төмөр замын боомтоор орж ирэх үед хил хамгаалах байгууллагаар дамжуулан авах;

4.1.7. гадаад улсаас иргэдийг татан авах ажиллагааны төлөвлөгөөг тухай бүр боловсруулж, батлах;

4.1.8. тусгаарлан ажиглах байрны өрөө, тасалгаа тус бүрийн зайд, орны тоог нарийвчлан судалж, иргэдийг байршуулах хуваарийг урьдчилан төлөвлөх ба батлагдсан тохиолдолдын ойрын хавьтал, эрүүл мэндийн байгууллагын ажилчид болон гадаад улсаас ирж байгаа иргэдийг нэг тусгаарлан ажиглах байранд хамтад тусгаарлахгүй төлөвлөгөө гаргах;

4.1.9. тусгаарлан ажиглах байрны онцлог, багтаамж, давхар, өрөө тасалгаа, орны тоо, зохион байгуулалт, иргэний тооноос хамаарч тухайн байранд ажиллах алба хаагчдыг хуваарилах;

4.1.10. гадаад улсаас ирж буй эрүүл мэндийн шалтгаантай зорчигчийг урьдчилан бэлтгэсэн эмнэлэг, бусад зорчигчийг тусгаарлан ажиглах байранд тээвэрлэн хүргэх тээврийн хэрэгслийг бэлтгэх;

4.1.11. тусгаарлан ажиглах байранд зайлшгүй шаардлагаар нэвтрэх ажилтан, албан хаагчдад /терөлжсөн мэргэшлийн эмч мэргэжилтэн, өргөдөл, гомдоор шалгалт хийх мэргэжлийн хяналтын улсын байцаагч, хэв журам сахиулах цагдаагийн алба хаагч, тусгаарлах байрны үйлчилгээ, цахилгаан, ус дулаан хангамж, мэдээлэл холбооны г.м/ зөвшөөрөл олгох;

4.1.12. тусгаарлан ажиглах байрны нөхцөл, дэг журам, эрүүл мэнд, хоол хүнсний асуудлаар гаргасан гомдол, мэдээллийг шалгаж шийдвэрлэх;

4.1.13. тусгаарлан ажиглах байрыг орчин нөхцөл, үйлчилгээний чанар, төлберийн нөхцөлөөс хамааруулан З зэрэглэлд ангилсан дэлгэрэнгүй судалгааг гаргаж, тусгаарлагдах хүнд санал болгох;

4.1.14. АСШШ-ыг удирдлага, зохион байгуулалтаар хангаж, мэргэжил арга зүйн зөвлөгөө, шаардлагатай үүрэг, чиглэл өгч биелэлтийг хангуулах;

4.1.15. удаа дараа зөрчил дутагдал гаргасан аж ахуйн нэгж, байгууллагыг тусгаарлан ажиглах байраар ажиллуулахгүй байх шийдвэрийг гаргаж, гэрээг цуцлах, гарсан хохирлыг нөхөн төлүүлэх санал гаргах;

4.1.16. тусгаарлан ажиглах байранд ажиллаж буй онцгой байдлын алба хаагчаас ажиглалт хийж буй иргэний шилжилт хөдөлгөөний тоон мэдээ, эрүүл мэндийн ажилтнаас дэлгэрэнгүй бүртгэлийг өдөр бүр авч нэгтгэн, мэдээллийн санг баяжуулж, дүн шинжилгээ хийх;

4.1.17. тусгаарлан ажиглах байрнаас гэрийн тусгаарлалтад шилжих хүний “ПГУ/PCR” шинжилгээний “сөрөг” гарсан сүүлийн хариуг ХӨСҮТ-өөс 11.00 цагаас өмнө албан бичиг эсвэл цахимаар авч, энэ талаар тусгаарлан ажиглах байрны хамгаалалтын ажилтанд мэдэгдэх.

## 4.2. Аймаг, сумын Шуурхай штаб дараах эрх, үүргийг хэрэгжүүлнэ:

4.2.1 тусгаарлан ажиглах байрыг энэхүү журмын 3.6-д тавигдах шаардлагыад нийцүүлэн сонгох, бэлтгэлийг хангуулах;

4.2.2. байрны онцлог, багтаамж, давхар, өрөө тасалгаа, орны тоо, зохион байгуулалт, иргэний тооноос хамаарч тухайн байранд ажиллах алба хаагчдыг хуваарилах;

4.2.3. тусгаарлан ажиглах байрны удирдлага, ажилтан, алба хаагчдад сургалт зохион байгуулж, мэдээллээр хангах;

4.2.4. сэжигтэй тохиолдол болон ойрын хавьтал, эрүүл мэндийн шалтгаантай зорчигчийг эрүүл мэндийн байгууллагад, бусад зорчигчийг урьдчилан бэлтгэсэн тусгаарлан ажиглах байранд тээвэрлэн хүргэх тээврийн хэрэгслийг бэлтгэх;

4.2.5. тусгаарлан ажиглах байрнаас гэрийн тусгаарлалтад шилжих иргэнийг халдварт хамгааллын дэглэм, хөдөлгөөний аюулгүй байдлыг хангаж тээвэрлэх ажлыг зохион байгуулах;

4.2.6. хилийн боомтоор нэвтэрсэн хүнийг тухайн нутаг дэвсгэрт тусгаарлах арга хэмжээг зохион байгуулах.

#### **Тав. Хилийн нэвтрэх цэгт авч хэрэгжүүлэх арга хэмжээ**

5.1. УОКШШ-аас ирүүлсэн нэrsийн жагсаалтын дагуу улсын хилийн боомтоор татан авч буй зорчигчдыг тусгаарлан ажиглалтад шилжүүлэх, эрэмбэлэн ангилах төлөвлөлтийг хилийн мэргэжлийн хяналтын алба хийнэ.

5.2. Хилийн мэргэжлийн хяналтын алба, хэлтсээс сэжигтэй зорчигчийн мэдээллийг нийслэлд ХӨСҮТ, орон нутагт Эрүүл мэндийн байгууллагад өгнө.

5.3. Зорчигч бүрээс Мэргэжлийн хяналтын ерөнхий газрын даргын 2020 оны А/31 дүгээр тушаалын хавсралтаар баталсан "Зорчигчийн эрүүл мэндийн мэдүүлэг"-ийн хуудсаар асуумж судалгаа авч, биеийн халууныг хэмжин, хяналт тандалт хийж, зорчигчийг "сэжигтэй тохиолдол", "эрүүл мэндийн шалтгаантай" /туүний асран хамгаалагч/, "бусад" "коронавируст халдварт (КОВИД-19)-ын эсрэг дархлаажуулалтын бүрэн тун хийлгэсэн" гэсэн дарааллаар ангилан тээврийн хэрэгслээс буулгана.

5.4. Зорчигч, түүний ачаа, гар тээшинд тусгайлан бэлтгэсэн байранд мэргэжлийн байгууллага халдвартайжүүлэлт хийнэ.

5.5. Хил хамгаалах байгууллагын ажилтан нь халдварт хамгааллын дэглэмийг баримтлан зорчигчийн биеийн байцаалтыг шалган, улсын хилээр нэвтрэх зөвшөөрөл олгоно.

5.6. Сэжигтэй зорчигч илэрсэн тохиолдолд бусад зорчигчоос түр тусгаарлан, тэмдэглэл үйлдэн эрүүл мэндийн байгууллагын шуурхай хариу арга хэмжээний багт шилжүүлнэ.

5.7. Сэжигтэй зорчигчийн ойрын хавьтлыг тогтоож, бусад зорчигчоос тусад нь тээврийн хэрэгсэлд суулган, эрүүл мэндийн болон холбогдох байгууллагад шилжүүлнэ.

5.8. Сэжигтэй зорчигчийн ойрын хавьтлыг буулгасны дараа эрүүл мэндийн шалтгаантай зорчигчийг хуваарилсан тээврийн хэрэгсэлд суулган, эрүүл мэндийн байгууллагад шилжүүлнэ.

5.9. Шуурхай штабаас урьдчилан ирүүлсэн нэrsийн жагсаалтын дагуу бусад зорчигчийг тээврийн хэрэгсэлд суулгаж цагдаагийн хамгаалалт дор тусгаарлан ажиглах байранд хүргэнэ.

5.10. Агаарын тээврийн компаниуд нь гадаад улсаас ирэх иргэний дархлаажуулалтын бүрэн тун авсан эсэх мэдээллийг УОКШШ-т хүргүүлнэ.

5.11. Монгол Улсад ажиллах нөхцөлтэйгээр болон урилгаар ирж байгаа гадаад иргэний шинжилгээний төлбөрийг иргэн, аж ахуйн нэгж байгууллага хариуцна.

**Зургаа. Тусгаарлан ажиглах байр (хуулийн этгээд),  
түүнд ажиллагсдын үүрэг**

**6.1. Тусгаарлан ажиглах байрыг хариуцаж буй хуулийн этгээд дараах үүрэг хүлээнэ:**

6.1.1.тусгаарлагдах хүмүүсийн мэдээллийг УОКШШ, АСШШ-аас урьдчилан авч, тусгаарлан ажиглах байрыг бэлтгэж, бэлэн байдлыг хангах

6.1.2.тусгаарлан ажиглах байрны байршил, давхар, өрөө, тасалгаа, нийт орны тоогоор зураглал гаргаж УОКШШ, АСШШ-т хүргүүлэх

6.1.3.тусгаарлан ажиглах байрны цахилгаан, халаалт, усан хангамж, ариутгах татуурга, цэвэрлэгээ, халдвартгүйжүүлэлт, хог хаягдлын цуглуулалт, зайлцуулалтын тасралтгүй байдлыг хангах;

6.1.4.тусгаарлагдсан хүн, ажиллагсдын хоол, хүнсний нийлүүлэлт, тээвэрлэлт, хадгалалт, үйлдвэрлэл, үйлчилгээнд хяналт тавьж, хоол, хүнс, үйлчилгээнийхээ чанар, аюулгүй байдлыг хангах, ажиллагсдыг эрүүл мэндийн урьдчилан сэргийлэх үзлэг, шинжилгээнд хамруулах;

6.1.5.улсын бүртгэлд бүртгэгдсэн, хаяг шошгын зөрчилгүй, хэрэглэх заавар тодорхой халдвартгүйжүүлэх бодисоор батлагдсан зааврын дагуу угаалга, цэвэрлэгээг тогтмол хийх;

6.1.6.Тусгаарлан ажиглалтын хугацаанд байрлаж ажиллах ажилтнуудын хувийн бэлтгэлийг бүрэн хангуулж, ээлж солихгүйгээр ажиллуулах;

6.1.7.хүнсний түүхий эд, бүтээгдэхүүнтэй харьцах, хоол үйлдвэрлэлийн үйл ажиллагаанд эрүүл мэндийн урьдчилан сэргийлэх үзлэг, "ПГУ/PCR" шинжилгээнд бүрэн хамрагдсан тогооч, ажилтныг ажиллуулах;

6.1.8. тусгаарлан ажиглах байранд үүрэг гүйцэтгэх эрүүл мэнд, онцгой байдал, цагдаагийн алба хаагчдын тавьсан хууль ёсны шаардлагыг биелүүлэх;

6.1.9. тусгаарлан ажиглах байранд сэжигтэй тохиолдол илэрсэн үед хэрэглэх иж бүрэн хувийн хамгаалах хувцас, хэрэгсэл (комбинзон, N95 амны хаалт, нүдний шил, нүүрний хаалт, бээлий, малгай, гутлын гадуурх улавч зэрэг)-ийн нөөцийг бэлтгэх;

6.1.10. тусгаарлан ажиглалтад байгаа иргэний мэдээлэл, хувь хүний нууцыг эрх бүхий байгууллага, албан тушаалтнаас бусдад задруулахгүй байх;

6.1.11. тусгаарлагдсан хүн гарсны дараа байр, өрөөнд халдвартгүйжүүлэлт хийж дараагийн хүнийг хүлээн авах бэлтгэлийг хангах;

6.1.12. нэг ээлжийн тусгаарлан ажиглалтын хугацаа дуусмагц 2 хоногийн дотор хяналтын камерын бичлэгийн хуулбарыг тагнуул, цагдаагийн байгууллагад шилжүүлэх.

**6.2. Тусгаарлан ажиглах байрны гол тогооны ажилтан дараах үүрэг хүлээнэ:**

6.2.1.шуурхай штабаас боловсруулсан жишиг цэсэд нийцүүлэн баталсан 7 хоногийн хоолны цэс, технологийн картыг боловсруулж, байгууллагын удирдлагаар батлуулж, мөрдөж ажиллах;

6.2.2. хоол үйлдвэрлэлийг явуулахдаа эрүүл ахуйн нөхцөл, шаардлагыг сайтар хангах;

6.2.3. эрүүл ахуй, аюулгүй байдлын шаардлага хангасан, гарал үүсэл нь тодорхой, баталгаажилттай хүнсний түүхий эд, бүтээгдэхүүнийг хоол үйлдвэрлэлд ашиглаж, ул мөрийг мөрдөн тогтоох бүртгэлийг тогтмол хөтлөх;

6.2.4. бэлтгэсэн хоол, хүнсний цуврал бүрээс 150 гр-аас доошгүй дээжийг ариутгасан саванд авч битүүмжлэн, хаяглаж, 4°C-ийн хэмд, 72 цагаас багагүй хугацаанд хадгалж, бүртгэл хөтөлсний дараа устгах;

6.2.5. хоолны сав, хэрэгслийг 2 хувийн содын уусмал эсвэл зориулалтын угаагч бодисоор цэвэрлэж, халдвартгүйжүүлэх;

6.2.6. хоолыг зориулалтын халуун баригч бүхий битүүмжлэлтэй саванд хийж, зөөвөрлөх;

6.2.7. хоол зөөх тэргэнцэрийг 0.015 хувийн жавелион эсвэл хлор агуулсан бусад бодисоор тогтмол халдвартгүйжүүлэх;

6.2.8. тусгаарлах байранд байнга ажиллах ажилтантай шууд харьцахгүй, гал тогооноос бусад хэсэгт зорчихгүй байж, халдвараас сэргийлэх дэглэмийг чанд мөрдөх;

6.2.9. хүнсний түүхий эд, бүтээгдэхүүнийг гардан боловсруулдаг, үйлдвэрлэдэг, тээвэрлэдэг ажилтан эрүүл мэндийн урьдчилан сэргийлэх үзлэг, шинжилгээнд 6 сар тутамд бүрэн хамрагдах;

6.2.10. өөрийн эрүүл мэндийн байдал болон биеийн халуунд өдөр бүр хяналт тавьж, өвчний шинж тэмдэг илэрсэн тохиолдолд тусгаарлах байрны эмч мэргэжилтэнд яаралтай мэдэгдэх.

### **6.3. Тусгаарлан ажиглах байрны үйлчилгээний ажилтан дараах үүрэг хүлээнэ:**

6.3.1. халдвартгүйжүүлэх бодисыг найруулах арга, хэрэглээний талаарх сургалтад хамрагдах;

6.3.2. тусгаарлагдан ажиглалтад байгаа хүн нийтийн эзэмшлийн шал болон бусад гадаргуу дээр бөөлжсөн, суулгасан тохиолдолд шингэнийг нэг удаагийн цаасан алчуураар шингээж авах, бүхэл хэсгийг хутгуур ашиглан хамж авсны дараа угаалгын бодистой халуун усаар угааж цэвэрлэн шалыг 0.015 хувь, ариун цэврийн өрөөг 0.03 хувийн жавелионы уусмал эсвэл хлор агуулсан бусад бодисоор халдвартгүйжүүлэх;

6.3.3. цэвэрлэгээ, үйлчилгээ хийх, хог хаягдал цуглуулах үедээ нэг удаагийн халат, малгай, нүдний шил эсвэл нүүрний хаалт, нэг удаагийн амны хаалт хэрэглэх, нэг удаагийн бээлий дээр цэвэрлэгээний зузаан бээлий өмсөх;

6.3.4. хамгаалах хувцас, хэрэгслийг өмсөхийн өмнө, тайлсны дараа, ариун цэврийн өрөөнд орсны дараа, хоол идэхийн өмнө, цэвэрлэгээ, үйлчилгээ хийсний дараа гар тогтмол угааж халдвартгүйжүүлэх;

6.3.5. тогтоосон цагийн хуваарийн дагуу өрөөний үүдэнд гаргасан хатуу хог хаягдлыг цуглуулж, хог хаягдлын цэгт хүргэх;

6.3.6. халдвартай хог хаягдлыг шар өнгийн уутанд цуглуулан зөөвөрлөж, түр хадгалах хэсэгт хүргэх, цэвэрлэгээ, үйлчилгээний дараа хамгаалах хувцас, хэрэгслийг зааврын дагуу тайлах;

6.3.7. тусгаарлан ажиглах өрөөний хаалганы гадна талын бариул, хонх, коридорын шал, явган хүний болон цахилгаан шат зэрэг хүний гар байнга хүрэлцэх гадаргууг өдөр бүр цэвэрлэж, халдвартгүйжүүлэх;

6.3.8. цахилгаан шат, хаалганы дээд хэсэг, коридорын болон хүлээлгийн танхимын гар хүрэхгүй хэсгийг зориулалтын бодисоор шүршиж халдвартгүйжүүлэх;

6.3.9. тусгаарлагдах хүнийг хүлээн авч, өрөөнд байрлуулсны дараа өрөөний хаалганы гадна тал, шат, цахилгаан шат, хүлээлгийн танхим, гадна хаалга, үүдний хэсэгт цэвэрлэгээ, халдвартгүйжүүлэлтийг зааврын дагуу хийх;

6.3.10. хувийн хамгаалах хувцас, хэрэгслийг тайлахгүйгээр өөрийн амрах байр болон бусад хэсгүүдэд зорчихгүй байх.

#### **6.4. Тусгаарлан ажиглах байранд ажиллаж буй эрүүл мэндийн ажилтан дараах үүрэг хүлээнэ:**

6.4.1. ажил үүрэг гүйцэтгэхтэй холбоотой хууль тогтоомж, эрх зүйн акттай урьдчилан танилцаж, өдөр тутмын үйл ажиллагаандаа мөрдөж ажиллах;

6.4.2. тусгаарлан ажиглах байрны өрөө, орны тоо, хуваарилалтад хяналт тавьж байршилаар нарийвчлан гаргасан судалгааны дагуу иргэнийг байрлуулах, урьдчилан сэргийлэх, халдварт хамгааллын дэглэмийг дагаж мөрдөх талаар заавар, зөвлөмж өгч тэмдэглэл үйлдэх;

6.4.3. ажиллаж буй төрийн албан хаагч болон ажилтнуудад халдварт хамгааллын дэглэмийн зааварчилгаа өгч, удирдан зохион байгуулах;

6.4.4. тусгаарлан ажиглах байранд шаардлагатай үед хэрэглэх эмнэлгийн анхны шатны болон яаралтай тусламжийн эм, хэрэгслийн нөөцөөр зарлагыг тогтмол хөтлөх;

6.4.5. тусгаарлагдсан хүнээс батлагдсан загварын дагуу "Эмнэлзүйн шинж тэмдэг тандах хуудас" бөглүүлж авах;

6.4.6. тусгаарлан ажиглалтад байгаа хүний биеийн халууныг өдөрт 2-оос доошгүй удаа тодорхой зайнанаас хэмжиж, тэмдэглэл хөтлөх;

6.4.7. өөрийн болон бусад (үйлчилгээний болон онцгой байдал, цагдаагийн) алба хаагчийн эрүүл мэндийн байдалд хяналт тавьж, биеийн халууныг өдөр бүр хэмжиж, тэмдэглэл хөтлөх;

6.4.8. тусгаарлан ажиглах байр болон өрөөнд зайлшгүй шаардлагаар нэвтэрч байгаа эмч мэргэжилтэн, бусад ажилтны талаарх мэдээллийг тухай бүр бүртгэж, тэмдэглэл хөтлөх;

6.4.9. хоол түгээх, биеийн халуун хэмжих, эмнэлгийн тусламж, үйлчилгээ үзүүлэх үед нэг удаагийн халад, малгай, эмнэлгийн амны хаалт, үзлэгийн бээлий, гутлын гадуурх улавч хэрэглэх;

6.4.10. коронавируст халдварт (КОВИД-19)-ын сэжигтэй тохиолдол илэрсэн үед иж бүрэн хувийн хамгаалах хувцас, хэрэгсэл (комбинзон, N95 амны хаалт, нүдний шил, нүүрний хаалт, бээлий, малгай, гутлын гадуурх улавч зэрэг)-ийг өмсөж эмнэлгийн тусламж, үйлчилгээ үзүүлэх;

6.4.11. гал тогооноос тусгаарлагдын хоол, цайг хүлээн авч, ажиглалтын өрөөний үүдэнд байрлуулсан ширээн дээрх аяга, тавагны гадаргууд бээлийтэй гараар хүрэхгүйгээр хоолыг хийж түгээх;

6.4.12. хоол түгээж дууссаны дараа хоолны сав, хэрэгслийг гал тогооны бохир хүлээн авах хэсэгт хүргэх;

6.4.13. хүнд ямар нэгэн зовуурь, эмнэлзүйн шинж тэмдэг илэрсэн үед үзлэг хийж, тодорхойлолтод нийцэж байгаа эсэхийг үнэлэх;

6.4.14. тусгаарлагдсан хүнд эмнэлгийн төрөлжсөн мэргэшлийн тусламж, үйлчилгээ шаардлагатай бол харьяалах эрүүл мэндийн байгууллагад яаралтай мэдэгдэж, тусламж, үйлчилгээг шуурхай үзүүлэх;

6.4.15. тусламж, үйлчилгээ үзүүлсний дараа хувийн хамгаалах хувцас, хэрэгслийг зааврын дагуу зөв тайлж, халдвартай хог хаягдлыг шар өнгийн уутанд цуглуулах;

6.4.16. хувийн хамгаалах хувцас, хэрэгслийг өмсөхийн өмнө, тайлсны дараа, ариун цэврийн өрөөнд орсны дараа, хоол идэхийн өмнө гарыг тогтмол угааж, халдвартай хог хаягдлыг шар өнгийн уутанд цуглуулах;

6.4.17. тусгаарлагдсан хүн тавьсан шаардлагыг эсэргүүцэх, доромжлох, заналхийлэх, биед халдах зэрэг үйлдэл гаргасан тохиолдолд онцгой байдал болон цагдаагийн алба хаагчид нэн даруй мэдэгдэх;

6.4.18. тусгаарлагдсан хүний овог, нэр, нас, хүйс, аяллын товч түүх, холбоо барих утас, оршин суугаа гэрийн хаяг, тусгаарлалтад орсон, шилжсэн, гарсан огноо, эрүүл мэндийн мэдээлэл зэргийг УОКШШ, Халдварт өвчин судлалын үндэсний төвийн Шуурхай удирдлагын нэгжийн Google.sheet файлын "Нэмэлт мэдээлэл" талбарт 24 цагийн дотор байршуулах;

6.4.19. Тусгаарлан ажиглах байранас гэрийн ажиглалтад шилжиж буй хүнд гэрийн ажиглалтад мөрдөх дэглэм, журмыг танилцуулж, баталгааны хуудсыг тухайн хүнээр 2 хувь үйлдүүлж, 1 хувийг өөрт нь, нөгөө хувийг цагдаагийн алба хаагчид хүлээлгэж өгөх.

## **6.5. Тусгаарлан ажиглах байранд ажиллаж буй Онцгой байдлын алба хаагч дараах үүрэг хүлээнэ:**

6.5.1. дотоод үйл ажиллагаанд камерын хяналт тавьж, 24 цагийн турш аюулгүй байдлыг хангах;

6.5.2. хүний эрүүл мэнд, амь насанд аюултай нөхцөл үүсэхээс урьдчилан сэргийлэх чиглэлээр шаардлагатай арга хэмжээг авч ажиллах ба эмх замбараагүй байдал үүссэн тохиолдолд цагдаагийн байгууллагын алба хаагчтай хамтран ажиллах;

6.5.3. галын аюулгүй байдал, аврах зам, гарцын тэмдэг, тэмдэглэгээ, хэвийн ажиллагаанд хяналт тавих;

6.5.4. тусгаарлалтад байгаа хүнд ирсэн эргэлтийн эд зүйлсийг дундын бус /шар/-ээс авч, эмч мэргэжилтэнд хүлээлгэж өгөх;

6.5.5. шилжилт хөдөлгөөний мэдээг нийслэлд УОКШШ, орон нутагт аймгийн Онцгой комиссын Шуурхай штабт өдөр бүр хургуулэх;

6.5.6. тусгаарлагдах хүнийг хүлээн авч, байрлуулахад эмч мэргэжилтэнд дэмжлэг үзүүлэх, иргэний санал, гомдлыг амаар болон бичгээр хүлээн авч, тэмдэглэл хөтлөн шийдвэрлүүлэх;

6.5.7. үүрэг гүйцэтгэх хугацаанд өдөр бүр гарсан зөрчил, дутагдлын талаар холбогдох мэдээг УОКШШ-т 10.00 цаг, 18.00 цаг, 24.00 цагт өгч, тэмдэглэл хөтлөх.

## **6.6. Тусгаарлан ажиглах байранд ажиллаж буй цагдаагийн алба хаагч дараах үүрэг хүлээнэ:**

6.6.1. гадна орчинд хамгаалалтын бус тогтоож, тэмдэг тэмдэглэгээг нийтэд харагдахуйц байдлаар байршуулан, хэв журам сахиулж, тээврийн хэрэгслийн хөдөлгөөнд хяналт тавьж, зөвшөөрөлгүй хүн, тээврийн хэрэгслийг хамгаалж байгаа объект, бусэд нэвтрүүлэхгүй байх;

6.6.2. байрны дотоод орчинд камерын хяналт тавьж дэг журмыг сахиулах;

6.6.3. байранд нэвтрэх шаардлагатай эмч мэргэжилтэн, эрх бүхий байгууллагаас зөршөөрөлтэй албан хаагчийн ажлын үнэмлэх, хүчин төгөлдөр "ПГУ/PCR" шинжилгээний хариуг шалгаж, бүртгэл хөтлөн нэвтрүүлэх;

6.6.4. тусгаарлан ажиглах байранд хориглосон эд зүйлсийг нэвтрүүлэхгүй байх зорилгоор ачаа тээш, эд зүйлсэд үзлэг хийж гэрчээр эмч, онцгой байдлын алба хаагчийг байлцуулан тэмдэглэл хөтлөх, хүний биед ижил хүйсийн алба хаагчаар үзлэгийг хийлгэх;

6.6.5. энэхүү журмаар хориглосон эд зүйлсийг тусгаарлан ажиглах байр руу нэвтрүүлэхгүй байх бөгөөд буцаах боломжгүй бол бүртгэл хөтлөн түр хадгалж, тусгаарлалтаас гарах үед эзэнд нь хүлээлгэн өгөх;

6.6.6. тусгаарлагдаж байгаа хүн, үүрэг гүйцэтгэж буй бусад албан хаагчдад хууль ёсны шаардлага тавьж, гарсан гэмт хэрэг, зөрчлийг таслан зогсоох, энэ талаар тэмдэглэл үйлдэн нэн даруй удирдах албан тушаалтанд мэдэгдэж, өгсөн үүрэг чиглэлийг хэрэгжүүлэх;

6.6.7. хамгаалалтын бүсэд үүрэг гүйцэтгэх хугацаанд өдөр бүр Цагдаагийн ерөнхий газрын Шуурхай штабт 10.00 цаг, 18.00 цаг, 24.00 цагт мэдээ өгч, тэмдэглэл хөтлөх;

6.6.8. гэрийн тусгаарлалтад шилжиж буй иргэний баталгааны хуудасны нэг хувийг эмчээс авч, журам зөрчсөн нөхцөлд хүлээлгэх хариуцлагыг сануулах;

6.6.9. гадаад улсаас Монгол Улсад суугаа Дипломат төлөөлөгчийн газрын эрх бүхий дипломат ажилтныг тусгаарлах тохиолдолд "Дипломат харилцааны тухай Венийн конвенц"-ийн 36 дугаар зүйлд заасныг баримтлах;

6.6.10. энэхүү журмын 6.6.9-д заасан хүний биед болон түүний ачаа тээшинд үзлэг хийх тохиолдолд Монгол Улсын Гадаад харилцааны яаманд мэдэгдэж, тухайн дипломат ажилтныг харьяалах Дипломат төлөөлөгчийн газрын тэргүүн, эсхүл түүний бүрэн эрхт төлөөлөгчийг байлцуулах.

## **6.7. Тусгаарлан ажиглах байранд байрлах этгээд дараах үүрэг хүлээнэ:**

6.7.1. үүрэг гүйцэтгэж буй эмчийн хуваарилсан өрөөнд байрлаж, тусгаарлалтын дүрэм, журмыг мөрдөх;

6.7.2. тусгаарлан ажиглах байранд ажиллаж буй албан хаагчдын хууль ёсны шаардлагыг биелүүлэх;

6.7.3. тусгаарлан ажиглах байранд орохоос өмнө өөрийн эрүүл мэнд байдал, шашны зан үйлээр хориглосон болон харшлах, эм, эмийн хэрэгсэл, хүнсний бүтээгдэхүүний талаарх мэдээллийг урьдчилан мэдэгдэх;

6.7.4. тусгаарлан ажиглалтын хугацаанд "Коронавируст халдварт (КОВИД-19)-ын лабораторийн оношилгооны тур заавар"-т тусгасан сорьц цуглуулах давтамжийн дагуу шинжилгээнд хамрагдах;

6.7.5. өөрийнхөө эрүүл мэндийн байдалд хяналт тавьж, коронавируст халдварт (КОВИД-19)-ын шинж тэмдэг илэрсэн тохиолдолд энэ талаар нэн даруй мэдэгдэх;

6.7.6. бусдын амгалан тайван байдлыг алдагдуулахгүй байж, эмч мэргэжилтэн болон бусад хүнтэй харьцах үедээ амны хаалт хэрэглэж, хүн хоорондын зайлбарих;

6.7.7. өрөөний цонхны салхивчийг 2 цаг тутамд 15 минут нээж, агааржуулалт хийж, зааврын дагуу гарсаа тогтмол угааж, хувийн ариун цэврийг сахих

6.7.8. Зааварчилгааны дагуу өрөөний цэвэрлэгээг өдөр тутам хийж, ахуйн хог хаягдлыг хуваарийн дагуу өрөөний үүдэнд гаргаж тавих;

6.7.9. байрны эд хогшлыг зориулалтын дагуу, ариг гамтай ашиглах, тухайн байгууллагын дотоод журамтай танилцаж гарын үсэг зурах;

6.7.10. гадаад улсаас татан авалтаар ирэх хүн тусгаарлан ажиглах байрны нөхцөл, тавих шаардлагыг хүлээн зөвшөөрсөн тохиолдолд тарифын дагуу байрны төлбөрийг урьдчилан төлөх;

6.7.11. коронавируст халдвартай болох нь батлагдсан тохиолдолд өөрийн уулзсан хүн, явсан зам, чиглэлийн талаарх мэдээллийг үнэн зөв мэдээлэх, эрүүл мэндийн байгууллагад тусгаарлагдан эмчилгээ, үйлчилгээнд хамрагдах;

6.7.12. бага насны хүүхэдтэй тусгаарлагдсан тохиолдолд түүний эрүүл мэнд, аюулгүй байдлыг хариуцах;

6.7.13. тусгаарлан ажиглах байрнаас гарах үед өөрийн ачаа тээшийн гадаргууг халдвартайжүүлэх бодис бүхий уусмалаар арчиж халдвартайжүүлэх.

#### **6.8. Тусгаарлан ажиглалтад байгаа хүнд дараах үйлдлийг хориглоно:**

6.8.1. ажилтан, алба хаагчийн хууль ёсны шаардлагыг үл биелүүлэх, доромжлох, заналхийлэх, биед нь халдах, аливаа зүй бус үйлдэл гаргах;

6.8.2. бусдын эрүүл мэндэд хохирол учруулахуйц хурц үзүүртэй эд зүйл, архи, согтууруулах ундаа, мансууруулах, сэтгэцэд нөлөөлөх, халуун бууруулах, өвчин намдаах эм, эмийн хэрэгсэл, бодис, түргэн гэмтэж, муудах хүнсний бүтээгдэхүүн авч орох, хэрэглэх, эргэлтээр авах;

6.8.3. өрөөнөөс гарах, өрөөний цонхоор хог, тамхины иш, нус, цэр, шүлсээ хаях болон эд зүйл дамжуулах, бусадтай харилцах;

6.8.4. бусдын амгалан тайван байдлыг алдагдуулах, өдөөн турхирах, буруу ташаа мэдээлэл тараах.

#### **Долоо. Тусгаарлан ажиглах байранд эргэлт оруулах ажиллагаа**

7.1. Тусгаарлан ажиглах байранд байгаа хүнд энэ журмын 14.2-т заасан хориглоогүй эд зүйлсийг долоо хоногт нэг удаа эргэлтээр оруулж болно.

7.2. Тусгаарлан ажиглах байранд байгаа хүнд цагаан хэрэглэл, ахуйн болон ариун цэврийн хэрэглэл (шүдний оо, соиз, шампунь, ангижуулагч, саван, гоо сайхны бүтээгдэхүүн, алчуур, ариун цэврийн цаас, живх, амны хаалт, гар халдвартайжүүлэгч бодис) хувцас, гутал, бичгийн хэрэгсэл, ном, сонин, сэтгүүл, гар утас, сим карт, нэгж, компьютер, техник хэрэгсэл, хүүхдийн тоглоом, чанар, эрүүл ахуйн шаардлага хангасан, зориулалтын савлагаатай, бүрэн бүтэн байдал нь алдагдаагүй, хүнсний бүтээгдэхүүн (талх, нарийн боов, чихэр, цай, кофе, ётон, сүү, тараг, жимс, хүүхдийн сүүн тэжээл, нэмэгдэл хүнс г.м.) хүүхдийн угж, хооллох хэрэгсэл зэргийг гэрэлтдэг уутанд хийж, эд, зүйлсийн жагсаалт, тоо ширхэгийг бичиж оруулахыг зөвшөөрнө.

7.3. Эргэлтийг 10.00-16.00 цагийн хооронд тусгаарлан ажиглах байрны тогтсон нэг хаалгаар хүлээн авна.

7.4. Эргэлтийг эмч мэргэжилтэн, албан хаагчид чирэгдэлгүй, шуурхай зохион байгуулна.

7.5. Эргэлтийн эд зүйлийг цагдаагийн алба хаагч "ногоон" бүсэд хүлээн авч, үзлэг хийн зөвшөөрөгдсөн эд, зүйлсийг завсрын буюу "шар" бүсэд хургэх бөгөөд энэ журмын 14.7-д заасан хориглосон эд зүйлсийг буцаана.

7.6. Цагдаагийн албан хаагч дундын бүсэд эд зүйлсийг байршуулсны дараа онцгой байдлын алба хаагч хүлээн авч "улаан" бүсэд эмч мэргэжилтэнд дамжуулан өгнө.

7.7. Тусгаарлан ажиглах байранд өөрийн болон бусдын эрүүл мэндэд хохирол учруулж болзошгүй хурц, шовх үзүүртэй эд зүйлс, согтууруулах, мансууруулах бодис, сэтгэцэд нөлөөт, халуун бууруулах, өвчин намдаах эм, бодис, хагас боловсруулсан, түргэн гэмтэж, муудах хүнсний бүтээгдэхүүн, олон хүн тоглох тоглоом /хөзөр, хөлөт тоглоом гэх мэт/ зэргийг оруулахыг хориглоно.

7.8. Ар гэрээс нь эргэлт өгөх боломжгүй үед тусгаарлан ажиглах байрны эрх бүхий ажилтанд хүсэлт гаргаж зөвшөөрөгдсөн эд зүйлсийг худалдан авч болно.

**Найм. Тусгаарлан ажиглах байранд сэжигтэй  
болон батлагдсан тохиолдол илэрсэн үеийн хариу арга хэмжээ**

8.1. Тусгаарлан ажиглах байранд тусгаарлагдсан хүнд коронавируст халдварт (КОВИД-19)-ын шинж тэмдэг илэрсэн үед хугацаа харгалзахгүй "ПГУ/PCR"-ын шинжилгээ авах ажлыг нийслэлд Халдварт өвчин судлалын үндэсний төв /ХӨСҮТ/-ийн шуурхай хариу арга хэмжээний баг, орон нутагт харьяа Эрүүл мэндийн байгууллага яаралтай зохион байгуулах арга хэмжээ авна.

8.2. Нэг өрөөнд тусгаарлагдсан 0-16 насны хүүхэд, эцэг, эх, асран хамгаалагч, харгалzan дэмжигчийн аль нэгээс коронавируст халдварт (КОВИД-19) батлагдсан тохиолдолд эцэг, эх, асран хамгаалагч, харгалzan дэмжигчийг зөвшөөрлийн дагуу эрүүл мэндийн байгууллагад хамтад нь шилжүүлж болно.

8.3. Нэг өрөөнд тусгаарлагдсан гэр бүлийн болон хамт амьдарч, ажиллаж, сурч байсан хүмүүсээс сэжигтэй болон батлагдсан тохиолдол илэрвэл тухайн хүнийг эрүүл мэндийн байгууллагад шилжүүлж, бусад иргэнийг өрөөнд нь тусгаарлан эсэхийг тандалтын багийн дүгнэлтийг үндэслэн тухайн шатны ОКШШ шийдвэрлэнэ.

8.4. Голомтын эцсийн халдвартгүйжүүлэлт хийх үед тухайн нутаг дэвсгэрийн мэргэжлийн хяналтын байгууллагад мэдэгдэж, хяналт хийлгэнэ.

8.5. Халдвартгүйжүүлэлт хийсэн хэсгүүдийг халдвартгүйжүүлэх бодисыг хэрэглэх аюулгүй ажиллагааны зааврын дагуу угааж цэвэрлэнэ.

8.6. Тусгаарлан ажиглах байрны эрүүл мэндийн ажилтан нь батлагдсан болон сэжигтэй тохиолдол илэрч, эмнэлгийн байгууллага руу хүргэгдсэн хүний талаархи мэдээллийг 1 цагийн дотор УОКШШ, НОКШШ-т тус тус мэдэгдэнэ.

8.7. Ганцаараа тусгаарлагдах боломжгүй /өөрийн үйлдлийг хянах чадваргүй, бүрэн бус чадвартай, хөгжлийн бэрхшээлтэй, хүнд өвчтэй, бага насны хүүхэд/ хүний эцэг, эх, асран хамгаалагч, харгалzan дэмжигчийг тусгаарлах байр руу оруулж, хамтад нь тусгаарлаж болно.

8.8. Батлагдсан тохиолдлын эмнэлзүйн хэлбэрийг харгалzan эмнэлэг эсвэл гэрт нь тусгаарлан эмчилнэ.

8.10. Тусгаарлах байранд батлагдсан тохиолдлыг ХӨСҮТ-ийн болон орон нутгийн Шуурхай хариу арга хэмжээний баг тээвэрлэнэ.

**Ес. Тусгаарлан ажиглах байрны халдвартгүйжүүлэлт**

9.1. Тусгаарлан ажиглах байранд урьдчилан сэргийлэх, ажиглалтын хугацаанд, тусгаарлалт дууссаны дараа мэргэжлийн байгууллага заавар, журмын дагуу халдвартгүйжүүлэлтийг хийж гүйцэтгэнэ.

9.2. Тусгаарлан ажиглалтад орж байгаа хүнийг тээвэрлэсэн тээврийн хэрэгслийг халдвартгүйжүүлнэ.

9.3. Тусгаарлан ажиглах байрнаас коронавируст халдварт (КОВИД-19)-ын батлагдсан тохиолдлыг шилжүүлсэний дараа тухайн хүний байрлаж байсан өрөө, ажилтны амралтын өрөө, явсан чиглэлийн дагуу коридор, шат, лифт, хаалганы хэсэгт голомтын эцсийн халдвартгүйжүүлэлтийг нийслэлд ЗӨСҮТ, холбогдох мэргэжлийн

байгууллага, аймагт ЗӨСТ, ЗӨСТ-гүй аймагт Бүсийн оношилгоо эмчилгээний төв, Нэгдсэн эмнэлэг, сум, тосгонд эрүүл мэндийн төв, сум дундын эмнэлэг гүйцэтгэнэ.

#### **Арав. Тусгаарлан ажиглах байранд тавих хөндлөнгийн хяналт**

10.1. Мэргэжлийн хяналтын байгууллага нь тусгаарлан ажиглах байранд дараах арга хэмжээг хэрэгжүүлнэ:

10.1.1. тусгаарлан ажиглах байрны эрүүл ахуйн нөхцөл, халдвараас сэргийлэх дэглэм, хоол хүнсний аюулгүй байдлын талаар ирүүлсэн өргөдөл гомдол, удирдлагын шийдвэрийн дагуу болон явцын хяналт шалгалтыг хийж, зөрчил, дутагдлыг илрүүлэх, шалтгаан нөхцөлийг тогтоож, холбогдох арга хэмжээг авах;

10.1.2. тусгаарлан ажиглах байранд хийж байгаа халдвартгүйжүүлэлт, цэвэрлэгээнд хяналт тавих;

17.1.3. батлагдсан болон сэжигтэй тохиолдол илэрсэн үед хийх голомтын эцсийн халдвартгүйжүүлэлтэд хяналт тавих.

10.2. Тусгаарлан ажиглах байрны хөндлөнгийн хяналтыг холбогдох хууль тогтоомжийн хүрээнд тагнуул, цагдаагийн байгууллага хэрэгжүүлнэ.

10.3. Тусгаарлан ажиглах байранд хяналт тавих этгээд шаардлагатай тохиолдолд камерын бичлэгийг ашиглана.

#### **Арван нэг. Тусгаарлан ажиглах байрнаас гарсан хог хаягдлыг цуглуулах, түр хадгалах, тээвэрлэх, устгах ажиллагаа**

11.1. Тусгаарлан ажиглах байр, өрөө, хоол үйлдвэрлэл, харуул, үйлчилгээ, хяналтын ажилтны хэсгээс гарах ариун цэврийн цаас, шил, лааз, сав, хайрцаг зэрэг баглаа боодол, хүнсний ногооны хальс, хоолны үлдэгдлийг энгийн хог хаягдлын хар өнгийн уутанд цуглуулна.

11.2. Тусгаарлан ажиглах байранд үүрэг гүйцэтгэж байгаа эмч мэргэжилтэн, алба хаагч болон бусад ажилтны хэрэглэсэн хамгаалах хувцас, хэрэгсэл (нэг удаагийн амны хаалт, бээлий, халат, нүдний шил, нүүрний хаалт, малгай, гутлын улавч болон тарианы хөвөн, дуслын системийн зүүгүй хэсэг, живх зэрэг)-ийг шар өнгийн уутанд цуглуулна.

11.3. Тусгаарлан ажиглах байранд эмнэлгийн тусламж, үйлчилгээ үзүүлсэн болон гэрийн нөхцөлд эмчилгээ хийлгэсэн тохиолдолд хэрэглэсэн тарианы ампул, зүү, тариур зэрэг хурц үзүүр, иртэй хог хаягдлыг аюулгүй хайрцагт цуглуулна.

11.4. Халуун хэмжигч багажийн зайд, өдрийн гэрэл, даралт хэмжигч зэрэг хүнд металл агуулсан, хугацаа дууссан, хагарч гэмтсэн, бохирдсон эм, халдвартгүйжүүлэх бодис агуулсан сав зэргийг хүрэн өнгийн уутанд цуглуулна.

11.5. Тусгаарлан ажиглах байрнаас гарсан шар, хүрэн өнгийн ууттай болон аюулгүй хайрцагтай хог хаягдлыг өдөрт 1 удаа тухайн байрны хог хаягдлыг цуглуулах цэгт төвлөрүүлнэ.

11.6. Тусгаарлан ажиглах байрнаас гарсан ахуйн хог хаягдлыг энгийн хог хаягдлын журмаар цуглуулж, хадгалан тээвэрлэх устгана.

11.7. Тусгаарлан ажиглах байрнаас гарсан аюултай хог хаягдлыг нийслэлд тусгай зөвшөөрөл бүхий мэргэжлийн байгууллага, орон нутагт тухайн орон нутгийн эрүүл мэндийн байгууллага авна.

**Арван хоёр. Бусад.**

12.1. Ажил үүргийн хувьд олж мэдсэн хувь хүний нууцыг албан тушаалтан задруулахгүй байх үүрэг хүлээнэ.

12.2. Энэхүү түр журмыг зөрчсөн албан тушаалтан, хүн, хуулийн этгээдэд Гамшгаас хамгаалах тухай хууль, "Коронавируст халдварт /КОВИД-19/-ын цар тахлаас урьдчилан сэргийлэх, тэмцэх, нийгэм, эдийн засагт үзүүлэх сөрөг нөлөөллийг бууруулах тухай" хуулийг үндэслэн Эрүүгийн хууль, Зөрчлийн тухай хууль, Төрийн албаны тухай хууль, Захиргааны ерөнхий хуульд заасны дагуу хариуцлага хүлээлгэнэ.

---оОо---

## Тусгаарлан ажиглах чийгээний түр журмын хавсралт

✓ XAU16B

## ТУСГААРЛАГДСАН ИРГЭНИЙ СУДАЛГААНЫ ХҮСНЭГТ

Тусгаарлах байрны нэр: .....  
Тусгаарлах байрны хаяг: .....

Жич: Гэртээ тусгаарлах боломжтой эсэхийг асууж тодруулан /нялх хүүхэдтэй, өндөр настантай, ам бүл олуулаа болон бусад/ иргэн өөрийн хүсэлтээр тухайн байранд тусгаарлалтыг ургэлжлүүлэх эсэх асуудлыг шийдвэрлэнэ.

---oOo---

Улсын онцгой комиссын даргын 2021 оны  
31 дугаар тушаалын хоёрдугаар хавсралт

ГЭР (АМРАХ БАЙР)-ИЙН ТУСГААРЛАЛТ,  
АЖИГЛАЛТЫН ҮЙЛ АЖИЛЛАГААГ  
ЗОХИЦУУЛАХ ТҮР ЖУРАМ

УХАД0168

**Нэг. Нийтлэг үндэслэл**

1.1. Гэр (амрах байр)-ийн тусгаарлалт, ажиглалтын үйл ажиллагааг зохицуулах түр журам /цаашид “журам” гэх-/ын зорилго нь гэрийн тусгаарлалт болон ажиглалтын үйл ажиллагааг зохион байгуулах, халдвараас сэргийлэх дэглэмийг мөрдүүлэх, иргэн, байгууллага, албан тушаалтны хулээх үүрэг хариуцлагыг тогтооход оршино.

1.2. Гэрийн тусгаарлалт гэдэг нь батлагдсан тохиолдол, түүний ойрын хавьтлыг орон байр, гэр, сууцанд, ажиллах хүчний хувьд нэг ээлжийн хүмүүсийг амрах байранд нь төрийн болон нутгийн захиргааны байгууллагын хяналтад байлгахыг хэлнэ.

1.3. Гэрийн ажиглалт гэдэг нь тусгаарлан ажиглах байрнаас гарсан, эмнэлэгт хэвтсэн, эмнэлгийн тусламж, үйлчилгээ авсан, гадаад улсаас, эсхүл голомттой бус нутгаас ирсэн иргэн гэртээ өөрөө өөрийгөө хянан ажиглаж, тусгаарлахыг хэлнэ.

1.4. Гэрийн тусгаарлалтын үйл ажиллагааг улсын хэмжээнд Улсын онцгой комиссын Шуурхай штаб, орон нутагт аймаг, нийслэл, сум, дүүргийн Онцгой комиссын Шуурхай штаб нэгдсэн удирдлага зохион байгуулалтаар хангана.

1.5. Гэрийн тусгаарлалтыг хянах үйл ажиллагааны баримт бичгийг хуулийн этгээд бусдад шилжүүлэх, дамжуулахдаа цахим гарын үсэг хэрэглэнэ.

1.6. Иргэнийг гэр (амрах байр)-ийн тусгаарлалт, ажиглалтын үйл ажиллагааг зохицуулах үед дараах зарчмыг баримтална:

- 1.6.1. Хүний амь нас, эрүүл мэнд, аюулгүй байдлыг хангах;
- 1.6.2. Хууль дээдлэх, хүний эрхийг хангах;
- 1.6.3. Шуурхай ил тод байх;
- 1.6.4. Хувь хүний нууцыг чанд хадгалах.

1.7. Гэрийн тусгаарлалтад байгаа хүний эрүүл мэндийн хяналтыг дүүрэг, өрх, сум, тосгоны Эрүүл мэндийн төвийн эмч мэргэжилтэн, тусгаарлалтын дэглэмийн мөрдөлт, дэг журмыг сум, дүүрэг, хороо, багийн цагдаа, мэргэжлийн хяналтын байгууллагын ажилтан хариуцна.

**Хоёр. Гэрийн тусгаарлалт, ажиглалтын хугацаа, шинжилгээ**

2.1 Гэрийн тусгаарлах хугацааг дараах байдлаар тогтооно:

2.1.1 шинж тэмдэггүй, хөнгөн хэлбэрийн коронавируст халдвар (КОВИД-19)-ын батлагдсан тохиолдол /цаашид “Батлагдсан тохиолдол” гэх-/ыг өөрийн хүсэлтийг харгалзан гэрийн тусгаарлалт 10 хоног. Тусгаарлалтын хугацааг дуусах шийдвэрийг хяналтын эмч гаргана.

2.1.2. батлагдсан тохиолдлын ойрын хавьтлыг гэрийн тусгаарлалтад байх нөхцөлийг үнэлж, 10 хоног.

2.1.3. халдвар бүртгэгдсэн бус нутгаас зорчиж буй иргэнийг гэрийн тусгаарлалтад 7 хоног.

**2.2. Гэрийн ажиглах хугацааг дараах байдлаар тогтооно:**

2.2.1 гадаад улсаас ирсэн коронавируст халдварт (КОВИД-19)-ын эсрэг вакцины бүрэн тун авсанас хойш 14 хоногийн хугацаа өнгөрсөн, коронавируст халдварт авч эмчлэгдэн эдгэрсэн нотлох баримттай иргэнийг гэрийн ажиглалтад 7 хоног;

2.2.2. тусгаарлан ажиглах байранд үүрэг гүйцэтгэсэн ажилтан, албан хаагч гэрийн ажиглалтад 4 хоног;

2.2.3. Тусгаарлан ажиглах байранас гарсан иргэн гэрийн ажиглалтад 7 хоног.

2.3. Гэрийн тусгаарлалтад орсон хүний гэр бүлийн гишүүдийг гэрийн тусгаарлалтад байх хоногоор хамт тусгаарлана. Ойрын хавьтлын гэр бүлийн гишүүдийг тусгаарлахгүй.

**2.4. Дараах иргэн, албан тушаалтныг тусгаарлахгүй:**

2.4.1. Онцгой нөхцөл шаардлагаар албан томилолтоор зорчиж буй албан хаагч, ажилтан;

2.4.2. Халдварт голомтот бүс нутгаас эмнэлгийн яаралтай тусламж үйлчилгээ авахаар зорчиж буй иргэн, түүний асран хамгаалагч, харгалзан дэмжигч;

2.4.3. Халдварт бүс нутгаас зорчиж буй иргэн, албан тушаалтан.

2.4.4. Халдвартын тохиолдлын хоёрдогч хавьтатал болсон хүн;

2.5. Ойрын хавьтлаас "ПГУ/PCR"-ын шинжилгээг авах ажлыг тусгаарлалт эхэлснээс хойш нийслэлд эхний 3 болон 8 дахь хоногт дүүргийн эрүүл мэндийн төвийн баг, орон нутагт харьяа Эрүүл мэндийн байгууллага зохион байгуулна.

2.6. Халдварт бүртгэгдсэн бүс нутгаас халдварт бүртгэгдээгүй бүс нутагт зорчиж буй хүний гэрийн тусгаарлалт эхэлснээс хойш 3 болон 6 дахь хоногт "ПГУ/PCR" шинжилгээ хийнэ.

2.7. Коронавируст халдварт (КОВИД-19)-ын шинж тэмдэг илэрсэн тохиолдол бүрт хугацаа харгалзахгүй шинжилгээ хийнэ.

2.8. Ойрын хавьтлын улмаас тусгаарлагдсан иргэнд шаардлагатай тохиолдолд анхан шатны эрүүл мэндийн байгууллага хөл хорионд орсон тухай тодорхойлолт олгож болно.

**Гурав. Иргэний эрх, үүрэг**

3.1. Гэрийн тусгаарлалт, ажиглалтад байх иргэн дараах эрх, үүргийг хэрэгжүүлнэ:

3.1.1.оршин суух буюу өөрийгөө тусгаарлах хаяг байршил, мэдээллээ бүртгүүлэх, тухайн хаяг, байршилдаа энэхүү журмын 21.1.1-2.1.5-д заасан хугацаанд гарах хөдөлгөөн хийхгүйгээр байрлах;

3.1.2. аймаг, нийслэл, сум, дүүргийн Шуурхай штаб, гэрийн тусгаарлалт, ажиглалтад хяналт тавих үүрэг хүлээсэн Засаг захиргааны анхан шатны нэгжид ажиллаж буй ажилтан, албан хаагчдын тавьсан хууль ёсны шаардлагыг биелүүлэх;

3.1.3. гэрийн тусгаарлалтын хугацаанд "Коронавируст халдварт (КОВИД-19)-ын лабораторийн оношилгооны түр заавар"-т тусгасан сорьц цуглуулах давтамжийн дагуу шинжилгээнд хамрагдах;

3.1.4. коронавируст халдварт (КОВИД-19)-тай болох нь батлагдсан тохиолдолд өөрийн уулзсан хүн, явсан зам, чиглэлийн талаарх мэдээллийг үнэн зөв мэдээлэх;

3.1.5. биеийн халуунаа өдөрт 2-оос доошгүй удаа хэмжиж, өөрийн эрүүл мэндийн байдлыг хянах, коронавируст халдварт (КОВИД-19)-ын шинж тэмдэг илэрсэн даруйд харьяалах өрх, сум, тосгоны эмчид баталгааны хуудас дээрх утсаар мэдэгдэх;

3.1.6. ямар нэгэн зовиур илэрсэн, зөвлөгөө авах шаардлага гарсан, халуурах, хоолой хөндүүрлэх, хуурай ханиалгах, ядarch сульдах шинж тэмдэг илэрсэн тохиолдолд анхан шатны эрүүл мэндийн байгууллагын хяналтын эмч, 119, ХӨСҮТ-ийн 100 болон 80086829 дугаарын утсанд хандах;

3.1.7. томуу, томуу төст өвчний шинж тэмдгээс бусад төрөлжсөн мэргэшлийн тусламж, үйлчилгээ шаардлагатай тохиолдолд анхан шатны эрүүл мэндийн байгууллагын хяналтын эмч болон 119 дугаарын утсанд хандах;

3.1.8. гадаад улсын иргэн бол Интермед эмнэлгийн 80105577, SOS medical эмнэлгийн 91913122 утсанд хандаж, зөвлөгөө авах;

3.1.9. тусгаарлалтад байх хугацаанд тусгаарлагдаж буй газрын байршлыг солих, тухайн газраас гарах, зочин урих, өөрийн болон бусдын эрүүл мэнд, амь насыг эрсдэлд оруулах аливаа үйлдэл гаргахгүй байх;

3.1.10. бага насын хүүхэдтэй тусгаарлагдсан тохиолдолд түүний эрүүл, аюулгүй байдлыг нь хууль тогтоомжид заасны дагуу хариуцах;

3.1.11. гэртээ 2 цаг тутамд агаар сэлгэлт хийж, зөвлөмжийн дагуу гарaa тогтмол угааж, хувийн ариун цэврийг сайтар сахих;

3.1.12. эмч, мэргэжилтэн болон бусад албаны хүнтэй харьцах үедээ амны хаалт хэрэглэж, хүн хоорондын зайд барих;

3.1.13. тусгаарлагдах хугацаанд гарсан ахуйн хог хаягдлыг уутанд хийж, амыг нь сайтар боож цуглуулан, орон сууцанд амьдардаг бол хаалганы гадна, гэр хороололд амьдардаг бол хогийн саванд хийж, хог хаягдал ил задгай хаяхгүй байх;

3.1.14. холбогдох хууль тогтоомж, дүрэм, журмыг зөрчсөн нөхцөлд хүлээлгэх хариуцлагын талаар сануулсан баталгааны хуудсанд гарын үсэг зурж баталгаажуулан эрүүл мэндийн ажилтанд хүлээлгэн өгч, хууль тогтоомжийг зөрчихгүй байх.

3.2. Гэрийн тусгаарлалтад байгаа иргэн нь дүрэм, журам зөрчсөн тохиолдолд хөдөлгөөнийг хянах зорилгоор гэрийн хаалга, цонхонд хяналтын тусгай тэмдэглэгээ бүхий анхааруулах хуудас хэрэглэж болно.

3.3. Гэрийн тусгаарлалтад байгаа иргэн нь гэрээр тусгаарлахтай холбоотой дүрэм, журмыг удаа дараа зөрчсөн, гар утсаа унтраасан, байршлын талаарх мэдээллийг хяналт тавьж буй байгууллагад тухай бүр нь мэдээлээгүй, тусгаарлагдаж буй байршилаас хугацаа дуусаагүй байхад гарсан, тусгаарлагдаж буй байрандаа бусдыг нэвтрүүлж, эрсдэлд оруулсан нөхцөлд түүнд хуулийн хариуцлага хүлээлгэж, гэрийн хаалганд лац тавих эсхүл ажиглах хугацааны үлдсэн хоногийн тоогоор тусгаарлах ажиглах байр руу шилжүүлж болно. Шилжүүлэхтэй холбоотой үүдэн гарах зардлыг тухайн этгээд өөрөө хариуцна.

**Дөрөв. Байгууллага, албан тушаалтны авч хэрэгжүүлэх арга хэмжээ:**

#### **4.1. Бүх шатны онцгой комиссын Шуурхай штаб:**

4.1.1. УОКШШ нь гэрийн тусгаарлах үйл ажиллагаатай холбогдуулан бүх шатны шуурхай штабын үйл ажиллагааг удирдлага, зохион байгуулалтаар хангаж, мэргэжил арга зүйн зөвлөгөө, шаардлагатай үүрэг чиглэл өгч биелэлтийг хангуулна.

4.1.2. Сум, дүүргийн Онцгой комиссын Шуурхай штаб нь гэрийн тусгаарлалтад байгаа иргэний мэдээлэл, хаяг, утасны дугаарыг нягтлан шалгаж, дэг журмыг сахиулах ажлыг холбогдох байгууллагуудтай хамтран зохион байгуулж, хяналт тавина.

4.1.3. Аймаг, нийслэлийн Шуурхай штаб нь гэрийн тусгаарлалтад байгаа иргэний мэдээлэл, оршин суух хаяг, утасны дугаарыг нягтлан шалгаж, баг, хорооны Засаг даргад хүргүүлэн үйл ажиллагааг уялдуулан зохицуулж, байнгын хяналт тавина.

**4.2. Баг, хорооны Засаг дарга:**

4.2.1. Харьяалах нутаг дэвсгэрт батлагдсан тохиолдол болон ойрын хавьтад бүртгэгдсэн үед ажиллах үйл ажиллагааны төлөвлөгөө, иргэнийг хянах ажилтнуудын хуваарь, үүрэг, чиглэлийг урьдчилан гаргаж батална

4.2.2. Харьяалах нутаг дэвсгэрийн гэрийн тусгаарлалтын мэдээнд үндэслэн иргэнийг хянах ажилтан /цагдаа, улаан загалмай, баг, хорооны нийгмийн ажилтан гэх мэт-/ыг томилон, тусгаарлагдсан иргэн болон гэр бүлийн бусад гишүүдийг бүртгэж авна.

4.2.3. Гэрийн тусгаарлалтад байгаа иргэний тусгаарлагдаж буй хаягаар хяналт тавих үүрэг хүлээсэн хяналтын ажилтан хяналт тавьж, хаана байгаа нь тодорхойгүй иргэнийг цагдаа, онцгой байдлын алба хаагчидтай хамтран эрэн хайх ажлыг зохион байгуулна.

4.2.3. Тусгаарлагдсан иргэнд шаардлагатай ус, түлш, хүнс, эм гэх мэт нэн хэрэгцээт зүйлсээр хангах асуудлыг зохион байгуулна.

4.2.4. Гэрийн тусгаарлалтад байгаа иргэдэд хэрэгцээт мэдээлэл бүхий зөвлөмжийг, тусгаарлалтад байгаа өрхөд тусгаарлалтын хугацаанд энгийн хог хаягдал хийх хогийн уут тараана.

**4.3. Эрүүл мэндийн байгууллага:**

4.3.1. Аймаг, нийслэлд коронавируст халдварт (КОВИД-19)-ын батлагдсан тохиолдлыг эмнэлэгт хэвтүүлэн хүчин төгөлдөр мөрдөж байгаа оношилгоо, эмчилгээний зааврын дагуу эмчилнэ.

4.3.2. Шинж тэмдэггүй болон хөнгөн хэлбэрийн батлагдсан тохиолдлыг эрүүл мэндийн асуудал эрхэлсэн төрийн захиргааны төв байгууллагаас баталсан холбогдох тушаал, шийдвэрийн дагуу гэрт нь тусгаарлан хянаж болно.

4.3.3. Гэрийн тусгаарлалтын хугацаанд гэр бүлийн хүчирхийлэл гаргасан батлагдсан тохиолдлыг эмнэлэгт эмчилж, эмчилгээ бүрэн дууссаны дараа холбогдох хуулийн дагуу арга хэмжээ авна.

4.3.4. Коронавируст халдварт (КОВИД-19)-ын хавьтлын тандалт судалгаа, мэдээллийн урсгал:

4.3.4.1. Нийслэлд ХӨСҮТ, орон нутагт аймгийн Эрүүл мэндийн газар батлагдсан тохиолдлын талаархи мэдээллийг тухайн шатны шуурхай хариу арга хэмжээний багт өгнө.

4.3.4.2. Батлагдсан тохиолдлын гэр бүлийн ойрын хавьтлыг тухайн шатны Эрүүл мэндийн байгууллага, бусад ойрын хавьтлыг ХӨСҮТ-ийн шуурхай хариу арга хэмжээний баг тогтооно.

4.3.4.3. Аймаг, нийслэлийн шуурхай хариу арга хэмжээний баг батлагдсан тохиолдлын ойрын хавьтлын эрүүл мэндийн эрсдэл /жирэмсэн, архаг суурь өвчтэй, сэтгэцийн эмгэг, хөгжлийн бэрхшээлтэй, хэвтрийн, гемодиализ, хавдрын хими, туяа гэх мэт өдөр тутмын эмчилгээ асаргаа шаардлагатай/-тэй эсэхийг нарийвчлан судалгааг хийж, тухайн шатны хариу арга хэмжээний багт хүргүүлнэ.

4.3.4.4. Гэрийн тусгаарлалтад байгаа иргэнд үзүүлсэн эрүүл мэндийн тусламж, үйлчилгээний мэдээллийг тусламж, үйлчилгээ үзүүлсэн эрүүл мэндийн байгууллага цахим системд бүртгэж оруулна.

**4.4. Аймаг, нийслэлийн Эрүүл мэндийн газар:**

4.4.1. Гэрийн тусгаарлалтад байгаа иргэнд анхан шатны эрүүл мэндийн байгууллагаас эрүүл мэндийн хяналт хийх үйл ажиллагааг удирдлага, зохион байгуулалт, мэргэжил арга зүйгээр хангана.

4.4.2. Сум, дүүрэг, өрх, тосгоны Эрүүл мэндийн байгууллагын Шуурхай хариу арга хэмжээний баг нь “Гэрийн тусгаарлалтын баталгааны хуудас”-ыг бөглүүлж, 1 хувийг сум, дүүргийн Шуурхай штабын цагдаагийн албан хаагчид цахимаар хүргүүлнэ.

4.4.3. Шаардлагатай тохиолдолд анхан шатны эрүүл мэндийн байгууллагаас ирүүлсэн хүсэлтийн дагуу гэрийн ажиглалтад байгаа иргэнд төрөлжсөн мэргэшлийн эмчийн тусlamж үйлчилгээг үзүүлэх, зөвлөгөө, мэдээллийг шуурхай авах үйл ажиллагааг зохицуулна.

4.4.4. Гэрийн тусгаарлалтад байгаа иргэнд тавьж буй эрүүл мэндийн хяналт, үр дүнгийн талаарх мэдээлэлд дүн шинжилгээ хийж, тулгамдсан асуудлыг шийдвэрлэнэ.

4.4.5. Тусгаарлагдсан иргэний эрүүл мэндэд хяналт тавих үйл ажиллагаанд саад бэрхшээл учруулж байгаа иргэнийг холбогдох байгууллагад уламжилна.

#### **4.5. Өрх, сум, тосгоны эрүүл мэндийн байгууллага:**

4.5.1. Харьялах нутаг дэвсгэрийн гэрийн тусгаарлалтын мэдээнд үндэслэн иргэнийг хянах эмнэлгийн мэргэжилтнийг томилон, тусгаарлагдсан иргэн болон гэр бүлийн бусад гишүүдийг бүртгэж авна.

4.5.2. Анхан шатны эрүүл мэндийн байгууллагаас тусгаарлагдсан иргэнд биеийн байдал, илэрч буй эмнэлзүйн шинж тэмдгийн талаар мэдээлэх, зөвлөгөө авах, нээлттэй утасны дугаарыг тэмдэглүүлж, Эрүүл мэндийн сайдын тушаалаар баталсан “Батлагдсан тохиолдлын хавьтлын ажиглалтын хуудас”, бөглөх зааврыг танилцуулна.

4.5.3. Эрүүл мэндийн талаар мэдээлэх хугацаа, халдварт хамгааллын дэглэм, ажиглалтад байх иргэн болон түүний гэр бүлийн гишүүдийн үүрэг хариуцлагыг сануулан, утсаа байнга нээлттэй байлгаж, тусгаарлагдаж буй газраас гарч болохгүй талаар байнга анхааруулна.

4.5.4. Сум, өрхийн эрүүл мэндийн төв нь гэрийн тусгаарлалтад байгаа ойрын хавьтал болсон иргэнтэй өдөрт 2 удаа утсаар холбогдох, шинж тэмдэгийн тандалт хийж, тэмдэглэл хөтөлнө.

4.5.5. Эрүүл мэндийн талаарх мэдээллээ өгөхгүй байгаа иргэнийг утсаар тодруулж, утас нь холбогдох эсэхээс үл хамаарч нөхцөл байдлын мэдээг сум, хорооны цагдаагийн хэсэгт мэдэгдэнэ.

4.5.6. Эрүүл мэндийн байгууллага иргэнээс ирүүлсэн хүсэлтийн дагуу шаардлагатай зөвлөгөө, мэдээлэл, шинж тэмдгийн эмчилгээ, анхаарах асуудлын талаар хариу өгнө.

4.5.7. Батлагдсан тохиолдлыг нийслэлд ХӨСҮТ, орон нутагт шуурхай хариу арга хэмжээний баг эмнэлэгт хүргэнэ.

4.5.8. Орон нутагт бүртгэгдсэн сэжигтэй тохиолдол болон ойрын хавьтлын шинжилгээг тухайн орон нутгийн шуурхай хариу арга хэмжээний баг авч, сорьцыг шаардлага хангасан нөхцөлд тээвэрлэн, хамгийн ойрын Бүсийн оношилгоо, эмчилгээний төв, Нэгдсэн эмнэлгийн вирус судлалын лабораторид шинжлүүлнэ.

4.5.9. Аймаг, дүүргийн эрүүл мэндийн байгууллага нь гэрийн тусгаарлалтад байх хугацаанд шинж тэмдэг илэрсэн иргэнээс хугацаа харгалзахгүй “ПГУ/PCR” шинжилгээнд хамруулна.

4.5.10. Коронавиrust халдвартын “ПГУ/PCR” шинжилгээний хариу зерэг буюу батлагдсан тохиолдолд ХӨСҮТ-ийн шуурхай удирдлагын нэгж нь аймаг, нийслэлийн эрүүл

мэндийн байгууллагад нэн даруй мэдэгдэнэ.

4.5.11. Төрөлжсөн мэргэшлийн эмчийн үзлэг шаардлагатай тохиолдолд анхан шатны эрүүл мэндийн байгууллагын эмч, харьяа аймаг, дүүргийн эмнэлгийн холбогдох мэргэшлийн эмчийг иргэнтэй холбон зөвлөгөө, мэдээлэл өгүүлнэ.

4.5.12. Нэн шаардлагатай тохиолдолд халдвартай хамгааллын дэглэмийг мөрдөн гэрээр үзлэг хийж, шаардлагатай тусламж, үйлчилгээг үзүүлнэ.

4.5.13. Гэрээр тусгаарлагдсан иргэн дэглэм, журам зөрчсөн тохиолдолд энэ талаар цагдаа, онцгой байдлын ажилтанд нэн даруй мэдэгдэнэ.

#### **4.6. Аймаг, дүүргийн Нэгдсэн эмнэлэг, Эрүүл мэндийн төв, Бүсийн оношилгоо эмчилгээний төв, төрөлжсөн мэргэшлийн эмнэлэг:**

4.6.1. Аймаг, дүүргийн эрүүл мэндийн байгууллага анхан шатны эрүүл мэндийн байгууллагын дуудлагыг хүлээн авах нөхцөлийг бүрдүүлж, шаардлагатай төрөлжсөн мэргэшлийн эмчтэй холбон иргэнд утсаар зөвлөгөө өгөх боломжоор хангана.

4.6.2. Анхан шатны эрүүл мэндийн байгууллагаас ирүүлсэн дуудлагын дагуу аймаг, дүүргийн эрүүл мэндийн байгууллагын төрөлжсөн мэргэшлийн эмч тусгаарлагдсан иргэнээс асуумж, биеийн байдлын талаарх мэдээлэл авч, зөвлөгөө мэдээллийг утсаар өгнө.

4.6.3. Батлагдсан тохиолдоос бусад гэрийн тусгаарлалтад байгаа иргэнд тусламж, үйлчилгээ зайлшгүй шаардлагатай тохиолдолд орон нутагт Бүсийн оношилгоо, эмчилгээний төв, Нэгдсэн эмнэлгийн халдвартын тасагт, дүүргийн эрүүл мэндийн байгууллагын тусгаарлан ажиглах хэсэгт хэвтүүлэн эмчилгээнд хамруулна.

4.6.4. Төрөлжсөн мэргэшлийн тусламж, үйлчилгээ шаардлагатай тохиолдолд улсын хэмжээнд лавлагаа тусламж, үйлчилгээ үзүүлж байгаа эрүүл мэндийн байгууллагаас телемедицинээр зөвлөгөө авах, баг дуудах шаардлагатай тохиолдолд тусгаарлан ажиглах хэсэгт хэвтүүлэн эмчлэх арга хэмжээг шуурхай зохион байгуулна.

4.6.5. Эмнэлэг хооронд өвчтөн шилжүүлэх үйл ажиллагааг эрүүл мэндийн байгууллагын эмчилгээ эрхэлсэн дарга нар хамтран шийднэ.

4.6.6. Голомтын эцсийн халдвартгүйжүүлэлтийг нийслэлд Зоонозын өвчин судлалын үндэсний төв, холбогдох мэргэжлийн байгууллага, аймагт ЗӨСТ, ЗӨСТ-гүй аймагт Бүсийн оношилгоо эмчилгээний төв, Нэгдсэн эмнэлэг, сүм, тосгонд эрүүл мэндийн төв, сүм дундын эмнэлэг гүйцэтгэж, зөвлөмж тухайн гэр бүлд өгнө.

#### **4.7. Тагнуул, цагдаа, онцгой байдлын байгууллага:**

4.7.1. Гэрийн тусгаарлалтад байгаа иргэнийг хянах ажлыг хариуцаж хяналтаас гарсан хүний гэрийн хаягаар сүм, дүүрэг, баг, хорооны Засаг даргын баталсан хяналт тавих эрх бүхий ажилтантай хамтран хяналт тавина.

4.7.2. НЭМГ, орон нутагт аймгийн ЭМГ, нэгдсэн эмнэлэг, БОЭТ, өрх, сүм, тосгоны эрүүл мэндийн төвүүдийн шуурхай хариу арга хэмжээний багаас "Гэрийн тусгаарлалтын баталгааны хуудас"-ны зургийг цахимаар авч мэдээллийн сан үүсгэнэ.

4.7.3. Хамгаалалтын бусэд үүрэг гүйцэтгэх хугацаанд өдөр бүр Цагдаагийн ерөнхий газрын Шуурхай штабт 10.00 цаг, 18.00 цаг, 24.00 цагт мэдээ өгч, тэмдэглэл хөтөлнө.

#### **4.8. Гэр бүл, хүүхэд, залуучуудын хөгжлийн газар:**

4.8.1. Тусгаарлагдсан асран хамгаалагч, харгалзан дэмжигчгүй 0-18 насны эрсдэлт нөхцөлд байгаа хүүхэд, гэр бүлийн хүчирхийлэлд өртсөн гишүүдэд хамгааллын үйлчилгээ шаардлагатай тохиолдолд түр хамгаалах байранд мэргэжлийн байгууллагын зөвлөмжийн дагуу хариу үйлчилгээг 24 цагаар үзүүлнэ.

#### **4.9. Хүмүүнлэгийн байгууллага:**

4.9.1. Гэрийн тусгаарлалтад байгаа тусlamж үйлчилгээ шаардлагатай эмзэг бүлгийн өрхөд хоол хүнс бусад бараа материалын хангалт хийх ажлыг холбогдох байгууллагуудтай хамтран зохион байгуулна.

#### **4.10. Сууц өмчлөгчдийн холбоо:**

4.10.1. Байр орон сууцны цэвэрлэгээ, үйлчилгээнд хэрэглэгдэх угаалга, цэвэрлэгээ, халдвартгүйжилтийн бодис, ажилтанд зориулан хувийн хамгаалах хувцас, хэрэгслийн нөөцийг бүрдүүлнэ.

4.10.2. Орон сууцны нийтийн эзэмшлийн зайд талбайд чийгтэй цэвэрлэгээг өдөрт 2 удаа хийж, халдвартгүйжүүлнэ.

4.10.3. Оршин суугчдыг гар халдвартгүйтгэх нөхцөлөөр хангаж, лифт давхруудад гар халдвартгүйжүүлэгч суурилуулна.

4.10.4. Иргэдийг халдвараас сэргийлэх мэдээ, мэдээллээр хангах ажлыг дүүрэг, хороотой хамтран зохион байгуулна.

4.10.5. Ойрын хавьтал болон гэрээр тусгаарлагдан эмчлэгдэж байгаа иргэнийг дүүрэг, хороотой хамтран хяналт тавина.

#### **Тав. Бусад**

5.1. Ажил үүргийн хувьд олж мэдсэн хувь хүний нууцыг албан тушаалтан задруулахгүй байх үүрэг хүлээнэ.

5.2. Энэхүү түр журмыг зөрчсөн албан тушаалтан, хүн, хуулийн этгээдэд Гамшгаас хамгаалах тухай хууль, “Коронавируст халдвар /КОВИД-19/-ын цар тахлаас урьдчилан сэргийлэх, тэмцэх, нийгэм, эдийн засагт үзүүлэх сөрөг нөлөөллийг бууруулах тухай” хуулийг үндэслэн Эрүүгийн хууль, Зөрчлийн тухай хууль, Төрийн албаны тухай хууль, Захиргааны ерөнхий хуульд заасны дагуу хариуцлага хүлээлгэнэ.

---оОо---

Гэр (амрах байр)-т тусгаарлан ажиглах  
үйл ажиллагааг зохицуулах түр журмын хавсралт

## ГЭРИЙН ТУСГААРЛАЛТЫН БАТАЛГААНЫ ХУУДАС

УХА0168

Овог, нэр .....  
Регистрийн дугаар.....  
Утасны дугаар.....  
Гэр (оршин суугаа)-ийн хаяг.....  
Ажиглалтад байх хугацаа .....

Миний бие Улсын Онцгой комиссын даргын ..... дугаар тушаалтын батлагдсан “Тусгаарлан ажиглах үйл ажиллагааг зохицуулах түр журам”-ын З дахь хэсэгт заасны дагуу гэрийн тусгаарлалтад байхдаа дараах үүргийг дагаж мөрдөнө:

1. Хавьтлаар тооцогдож гэртээ тусгаарлагдах үед харьяалах эрүүл мэндийн байгууллага (өрх, сум, тосгон)-д мэдэгдэнэ.

2. Гэрээр тусгаарлагдаж буй хаяг, байршилаасаа гарахгүй, өөрчлөхгүй байхаа баталж байна.

3. Биеийн халуунаа өдөрт 2-оос доошгүй удаа хэмжиж, өөрийн эрүүл мэндийн байдлыг хянаж, коронавируст халдварт (КОВИД-19)-ын шинж тэмдэг илэрсэн даруйд харьяалах өрх, сум, тосгоны эмчид утсаар мэдэгдэнэ.

4. Гэртээ агаар сэлгэлтийг 2 цаг тутамд, чийгтэй цэвэрлэгээг тогтмол хийнэ.

5. Гэрийн тусгаарлалтад байх хугацаанд гэрээс гарахгүй, зочин урихгүй, өөрийн болон бусдын эрүүл мэнд, амь насыг эрсдэлд оруулахгүй байна.

6. Гэрээр ажиглах ажилд хяналт тавьж буй албан хаагчдын үйл ажиллагаанд саад учруулахгүй, гэрээр тусгаарлах дэглэм, журмыг зөрчихгүй байх үүрэг хүлээнэ.

7. Дүрэм, журам зөрчсөн нөхцөлд гэрийн хаалгаа лацдуулах эсхүл тусгаарлан ажиглах байр руу шилжиж, түүнтэй холбогдон гарах зардлыг нөхөн төлнө.

### Дээрх үүргийг зөрчсөн тохиолдолд хуульд заасан дараах хариуцлага хүлээхийг ойлгож байна.

1. Коронавируст халдварт /КОВИД-19/-ын цар тахлаас урьдчилан сэргийлэх, тэмцэх, нийгэм, эдийн засагт үзүүлэх сөрөг нөлөөллийг бууруулах тухай хуулийн 12 дугаар зүйлийн 12.4. Иргэн халдварт өвчнийг бусдад зориуд халдаасан бол Эрүүгийн хуульд заасан хариуцлага хүлээлгэнэ.

2. Зөрчлийн тухай хуулийн 5.13 дугаар зүйл. Гамшигаас хамгаалах тухай хуулийг зөрчвэл хүнийг таван зуун нэгжтэй /1 нэгж 1000 төгрөг/ тэнцэх хэмжээний төгрөгөөр торгох, эсхүл долоогоос гуч хоногийн хугацаагаар баривчлах шийтгэл оногдуулах, хуулийн этгээдийг таван мянган нэгжтэй тэнцэх хэмжээний төгрөгөөр торгоно.

3. Эрүүгийн хуулийн 15.6 дугаар зүйл. 5.6 дугаар зүйл. Бусдын амь насанд аюул учруулж болзошгүй халдварт өвчин халдаах нөхцөлийг зориуд санаатайгаар зөрчиж, халдварт өвчин тархах нөхцөл бүрдүүлсэн, эсхүл бусдад халдаасан бол хоёр мянга долоон зуун нэгжээс арван дөрвөн мянган нэгжтэй тэнцэх хэмжээний төгрөгөөр торгох, эсхүл зургаан сараас гурван жил хүртэл хугацаагаар зорчих эрхийг хязгаарлах, эсхүл зургаан сараас гурван жил хүртэл хугацаагаар хорих ял эдлүүлнэ.

БАТАЛГАА ГАРГАСАН ИРГЭНИЙ НЭР, ГАРЫН ҮСЭГ..... /.....

БАТЛАН ДААСАН ИРГЭНИЙ НЭР, ГАРЫН ҮСЭГ ..... /.....

РЕГИСТРИЙН ДУГААР:.....

МЭДЭЭЛЭЛ, ЗӨВЛӨГӨӨ АВАХ 24 ЦАГИЙН АЖИЛЛАГААТАЙ УТАСНЫ ДУГААР:

---

БАТАЛГАА АВСАН АЛБА ХААГЧИЙН АЛБАН ТУШААЛ,  
НЭР, ГАРЫН ҮСЭГ..... /...../

2021 оны ..... сарын ..... өдөр

Улсын онцгой комиссын даргын 2021 оны  
31 дугаар тушаалын гуравдугаар хавсралт

## КОРОНАВИРУСТ ХАЛДВАР (КОВИД-19) ИЛЭРСЭН ОБЪЕКТЫГ ХАМГААЛАХ ТҮР ЖУРАМ

### Нэг. Нийтлэг үндэслэл

1.1. Коронавируст халдвэр /Ковид-19/ илэрсэн объектыг хамгаалах түр журам /цаашид “журам” гэх/-аар коронавируст халдвэр (КОВИД-19)-ын үед батлагдсан тохиолдол болон ойрын хавьтлын байр, орц, орон сууц, гудамж талбай, хашаа, албан байгууллага, нийтийн байр зэрэг объектыг хамгаалалтад авах үйл ажиллагааг зохицуулна.

1.2. Хамгаалалтыг зохион байгуулахад Цагдаагийн албаны тухай хуулийн 45 дугаар зүйл, Цагдаагийн байгууллагын үйл ажиллагааны журам, холбогдох бусад хууль тогтоомж, эрх зүйн акт болон энэхүү түр журмыг мөрдлөг болгоно.

1.3. Объектыг хамгаалах гэдэг нь эрх бүхий эрүүл мэндийн байгууллагын саналыг үндэслэн коронавируст халдвэр (КОВИД-19)-ын тохиолдол батлагдсан байр, орц, орон сууц, гудамж талбай, хашаа, албан байгууллага, нийтийн байр зэрэг объектыг халдвэр тархахаас урьдчилан сэргийлэх, нийтийн хэв журмыг сахиулах зорилгоор териийн байгууллагын хяналт, хамгаалалтад авах үйл ажиллагааг хэлнэ.

### Хоёр. Удирдлага, зохион байгуулалт

2.1. Эрүүл мэндийн байгууллагаас аймаг, нийслэл, сум, дүүргийн онцгой комисст тухайн объектод коронавируст халдвэр (КОВИД-19)-ын батлагдсан тохиолдлыг мэдээлнэ.

2.2. Халдвэр илэрсэн газар, объектыг хамгаалалтад авах асуудлыг аймаг, нийслэл, сум, дүүргийн онцгой комиссын шуурхай штаб, Цагдаагийн байгууллага хариуцаж, объектод байгаа өрх, иргэнд сэрэмжлүүлэг мэдээллийг хүргэнэ.

### Гурав. Аймаг, нийслэл, сум, дүүргийн Онцгой комиссын шуурхай штаб, холбогдох байгууллагаас авч хэрэгжүүлэх арга хэмжээ

#### 3.1. Аймаг, нийслэл, сум, дүүргийн Онцгой комиссын шуурхай штаб:

3.1.1. Тухайн объектыг хамгаалалтад авсан болон тусгаарлалтын талаархи мэдээлэл, зөвлөмжийг иргэдэд хүргэнэ.

3.1.2. Тухайн объектод байгаа айл өрхийн эм, эмнэлгийн хэрэгсэл, хүнс, халдвартгуйжүүлэх бодисын нөөц, хангамж, эмзэг бүлгийн хүн амын судалгааг гаргаж, хариу арга хэмжээ авна.

3.1.3. Нийтийн эзэмшлийн гудамж, талбайд цэвэрлэгээ, халдвартгуйжүүлэлт (гадаад орчин цельсийн +10 хэмтэй үед) хийнэ.

3.1.4. Иргэнд шаардлагатай бараа бүтээгдэхүүний хангамжийг объектын дотор талд халдвэр хамгааллын дэглэмийн дор онцгой байдал, тухайн шатны Засаг дарга, СӨХ-тэй хамтран зохион байгуулна.

3.1.5. Нэн хэрэгцээт бараа бүтээгдэхүүний хангалт авсан иргэн нь тухайн хангалтын төлбөрийг төлнэ.

#### 3.2. Эрүүл мэндийн байгууллага:

3.2.1. Коронавируст халдвэр (КОВИД-19)-ын ойрын болон хоёрдогч хавьталд тухайн шатны эрүүл мэндийн байгууллагын шуурхай хариу арга хэмжээний баг тандалт хийнэ.

3.2.2. Хамгаалалтад авсан объектод байгаа иргэнд эмнэлгийн тусламж

үйлчилгээ шаардлагатай үед эмнэлгийн яаралтай тусламж, үйлчилгээ болон сэтгэл зүйн дэмжлэгийг шуурхай үзүүлж, эмчийн дүгнэлтийг үндэслэн лавлагаа шатны эрүүл мэндийн байгууллага руу зөөвөрлөнө.

3.2.3. Тухайн объектыг хамгаалалтад авсан бол цуцлах хүртэлх хугацаанд эрүүл мэндийн хяналтыг хариуцна.

3.2.4. Объектод коронавируст халдвэр (КОВИД-19)-ын батлагдсан тохиолдлын явсан зам мөрийн дагуу орсон айл өрх, үйлчилгээний байгууллага, аж ахуйн нэгж, хог хаягдлын цэгт голомтын эцсийн халдвартгуйжүүлэлтийг Зоонозын өвчин судлалын үндэсний төв /ЗӨСҮТ/, тусгай зөвшөөрөл бүхий аж ахуйн нэгж, аймагт ЗӨСТ, ЗӨСТ-гүй аймагт Бүсийн оношилгоо эмчилгээний төв, Нэгдсэн эмнэлэг, сум, тосгонд эрүүл мэндийн төв, сум дундын эмнэлэг хийж гүйцэтгэнэ.

3.2.5. Хамгаалалтад авсан объектод байгаа иргэнээс "ПГУ/PCR" шинжилгээг нэн даруй авч, шинжилгээний хариуг Нийслэлд 24 цагийн дотор, орон нутагт боломжит бага хугацаанд гаргах бөгөөд хариуг үндэслэн хамгаалалтыг цуцлах саналыг албан тоот эсвэл цахимаар аймаг, нийслэл, сум, дүүргийн Онцгой комиссын шуурхай штабт хүргүүлнэ.

### 3.3. Цагдаагийн байгууллага:

3.3.1. Цагдаагийн албаны тухай хуулийн 12 дугаар зүйлийн 12.1.3, 45 дугаар зүйлийн 1, 2 дахь хэсэгт заасны дагуу коронавируст халдвэр (КОВИД-19) илэрсэн голомт, объектын гадна орчинд хамгаалалтын бус тогтоож, иргэдийн орох, гарах хөдөлгөөнийг хязгаарлаж, хэв журам сахиулна.

3.3.2. Нийтийн хэв журмыг сахиулах зорилгоор объектод нэвтрэх үед өрхийн эмч эсвэл мэргэжлийн хяналтын улсын байцаагчийн хяналт дор хувийн хамгаалах хувцас хэрэгсэл (нэг удаагийн амны хаалт, бээлий, халат, нүдний шил, нүүрний хаалт, малгай, гутлын улавч)-ийг зааврын дагуу иж бүрэн өмсөж, тайлан зориулалтын уутанд хийж, аюултай хог хаягдлыг цуглуулах, тээвэрлэх, устгах журмын дагуу устгуулна.

3.3.3. Хүндэтгэн үзэх шалтгаантай иргэнийг өөрийн хүсэлтийн дагуу хамгаалалтад авсан объект руу нэвтрүүлж болно.

3.3.4. Хамгаалалтад авсан объектын гадна орчинд тогтоосон бусэд мэргэжлийн байгууллагын алба хаагчийн хууль ёсны шаардлагыг эсэргүүцсэн, шинжилгээ өгөхөөс татгалзсан иргэнд хуульд заасан арга хэрэгсэл /зайнаас хэрэглэх нэг бүрийн тусгай хэрэгсэл/-ийг ашиглана.

3.3.5. Хамгаалалтын бус рүү шуурхай алба, эмнэлэг болон тусгайлсан чиг үүрэг бүхий тээврийн хэрэгслийг саадгүй нэвтрүүлнэ.

3.3.6. Хамгаалалтад орсон иргэдийн санал, гомдлыг хүлээн авах утасны дугаарыг өрх бүрт мэдэгдэнэ.

3.3.7. Хамгаалалтад орсон иргэдээс ирүүлсэн санал, гомдол, тулгамдсан асуудлыг холбогдох байгууллагатай хамтран шуурхай зохион байгуулна.

### 3.4. Онцгой байдлын байгууллага:

3.4.1. Хамгаалалтад авсан объект руу орох, гарах хөдөлгөөнийг хязгаарлах, хэв журам сахиулахад цагдаагийн байгууллагад дэмжлэг үзүүлнэ.

3.4.2. Хамгаалалтад авсан объектод байгаа өрхийн цахимаар өгсөн захиалгын /хоол, хүнс бусад зайлшгүй хэрэгцээт бараа/ түгээлтийг хүлээн авч иргэнд хүлээлгэн өгнө.

3.4.3. Объектын дотоод хүнс, эм, барааны түгээлтийг хороо, СӨХ-тэй хамтран халдвэр хамгааллын дэглэмийг баримтлан зохион байгуулна.

### 3.5. Аймаг, нийслэлийн мэргэжлийн хяналтын байгууллага:

3.5.1. Хамгаалалтад авсан объект болон батлагдсан тохиолдлын явсан зам мөрийн дагуу голомтын эцсийн халдвартгуйжүүлэлт хийх ажилд хяналт тавьж, илэрсэн зөрчил дутагдлыг тухай бүр арилгуулан, мэргэжил арга зүйн зөвлөгөө өгнө.

3.5.2. Ахуйн болон аюултай хог хаягдлын цуглуулалт, тээвэрлэлт, устгалын байдалд хяналт тавина.

3.5.3. Тухайн тохиолдлын голомтоос шалтгаалан бусад иргэнд үйлчилгээ тасалдахгүй байх талаар эрүүл мэндийн байгууллагатай хамтран зөвлөмж гаргаж, мэргэжлийн байгууллагуудад чиглэл өгнө.

### 3.6. Гэр бүл, хүүхэд, залуучуудын хөгжлийн газар:

3.6.1. Хамгаалалтад авсан объектод асран хамгаалагч, харгалзан дэмжигчгүй 0-18 насны эрсдэлт нөхцөлд байгаа хүүхдэд, гэр бүлийн хүчирхийлэлд өртсөн гишүүдэд хамгааллын үйлчилгээ шаардлагатай тохиолдолд түр хамгаалах байранд мэргэжлийн байгууллагын зөвлөмжийн дагуу хариу үйлчилгээг 24 цагаар үзүүлнэ.

### 3.7. Хүмүүнлэгийн байгууллага:

3.7.1. Хамгаалалтад авсан объектод байгаа тусламж үйлчилгээ шаардлагатай өрхөд хоол хүнс бусад бараа материалын хангарт хийх ажлыг холбогдох байгууллагуудтай хамтран зохион байгуулна.

### Дөрөв. Иргэний эрх, үүрэг

4.1. Оршин суугаа объект нь хамгаалалтад авагдсан иргэн дараах үүрэг хүлээнэ:

4.1.1.аймаг, нийслэл, сум, дүүргийн онцгой комисс, шуурхай штаб, эрүүл мэндийн байгууллагын зөвлөмжийг мөрдөх;

4.1.2. объектын хамгаалалтыг цуцлах хүртэл халдварт хамгааллын дэглэмийг сахина;

4.1.3. өөрт тулгамдсан асуудал, хэрэгцээ шаардлагын талаар объектын хамгаалалт зохион байгуулж байгаа цагдаагийн байгууллагын ажилтанд мэдэгдэнэ.

### Тав. Хамгаалалт авсан объектын хог хаягдлыг цуглуулах, түр хадгалах, тээвэрлэх, устгах ажиллагаа

5.1. Иргэн гэрийн нөхцөлд эмчилгээ хийлгэсэн тохиолдолд хэрэглэсэн тарианы ампул, зүү, тариур зэрэг хурц үзүүр, иртэй хог хаягдлыг аюулгүй хайрцагт (байхгүй тохиолдолд сүү, ундааны цаасан хайрцагт хийж, аюултай зүү тариур гэж бичих) цуглуулна.

5.2. Хамгаалалт авсан обьектоос гарсан ахуйн хог хаягдлыг энгийн хог хаягдлын журмаар цуглуулж, хадгалан тээвэрлэх устгана.

5.3. Хамгаалалтад авсан байрнаас гарсан аюултай хог хаягдлыг нийслэлд тусгай зөвшөөрөл бүхий мэргэжлийн байгууллага, орон нутагт тухайн орон нутгийн эрүүл мэндийн байгууллагад авна.

### Зургаа. Бусад

6.1. Энэхүү түр журмыг зөрчсөн албан тушаалтан, хүн, хуулийн этгээдэд Гамшигаас хамгаалах тухай хууль, "Коронавируст халдварт /КОВИД-19/-ын цар тахлаас урьдчилан сэргийлэх, тэмцэх, нийгэм, эдийн засагт үзүүлэх сөрөг нөлөөллийг бууруулах тухай" хуулийг үндэслэн Эрүүгийн хууль, Зөрчлийн тухай хууль, Төрийн албаны тухай хууль, Захиргааны ерөнхий хуульд заасны дагуу хариуцлага хүлээлгэнэ.

Улсын онцгой комиссын даргын 2021 оны

31. дугаар тушаалын дөрөвдүгээр хавсралт

**ГОЛОМТОТ БҮС НУТГААС АГААРЫН ХӨЛГӨӨР ЗОРЧИГЧ ТЭЭВЭРЛЭХЭД  
БАРИМТЛАХ ТҮР ЗААВАР**

**Нэг. Нислэгийн өмнөх бэлтгэл**

1.1. Хилийн мэргэжлийн хяналтын албаны Эрүүл ахуй, халдварт хамгааллын хяналтын улсын байцаагч нь нисэх бүрэлдэхүүний хамгаалах хувцас хэрэгслийг зөв өмсөх, тайлах, гарын ариун цэвэр сахих зэрэг халдвараас сэргийлэх талаар сургалт хийнэ

1.2. Нисэх багийн гишүүд хувийн /биед тохиромжтой хувцас өмсөх, нислэгийн өмнөх хоол, ундыг тохируулан хэрэглэх гэх мэт/ бэлтгэлийг хангана.

1.3. Нислэгийн явцад багийн гишүүдэд шаардагдах нэг удаагийн хамгаалах хувцас, хэрэгслийн Хувийн хамгаалах хувцас хэрэгслийн багц /шингэнд тэсвэртэй комбинзон, нэг удаагийн малгай, шүүлтүүртэй амны хаалт (95 хувиас дээш шүүлтүүртэй), нэг удаагийн бээлий, нүдний шил эсвэл нүүрний хаалт, гутлын гадуурх улавч/-ыг 3 ээлжээр тооцож хангана.

1.4. Нислэгийн явцад шаардагдах гар халдвартай спиртэн суурьтай бодис, халуун хэмжигч, чагнуур, даралтын аппарат, халдвартай спиртэн хэрэглэх 70 хувийн спирттэй хөвөн, гадаргууг халдвартай спиртэн 0.02 хувийн клорсепт, 0.015 хувийн жавелионы уусмал, автомакс, хог хаягдал цуглуулах шар өнгийн уут, цэвэрлэгээний хэрэгслийг бэлтгэнэ.

1.5. Зорчигчид хэрэглүүлэх нэг удаагийн амны хаалтыг нислэгийн явцад 2 цаг тутам солихоор тооцож бэлтгэнэ

1.6. Нислэгийн үед эмнэлгийн яаралтай тусламж үзүүлэхэд шаардагдах эм, тариа, эмнэлгийн хэрэгслийг бэлтгэнэ.

1.7. Ариун цэврийн өрөөнд гар угаах шингэн саван, цаасан алчуур, гар халдвартай хүрэлцэхүйц хэмжээгээр байрлуулна.

1.8. Хог хаягдал цуглуулах шар уут бүхий хогийн савыг шаардлагатай цэгүүдэд хүрэлцэхүйц хэмжээгээр байрлуулна

1.9. Зорчигчийн суудал бүрт нислэгийн үед баримтлах халдварт хамгааллын дэглэмийн тухай санамж, анхааруулга байрлуулсан байна.

1.10. Нисэх багийн гишүүд нислэгийн явцад хооллоо тохиолдолд хоол, хүнсийг агаарын хөлгийн бүхээгт урьдчилан байрлуулсан байна.

1.11. Зорчигчийг агаарын хөлөгт оруулахын өмнө биеийн халууныг хэмжиж, "Зорчигчийн эрүүл мэндийн мэдүүлэг"-ийг бөглүүлэн гарыг халдвартай зорчигчийг түрүүлж, амны хаалтыг сольж зүүлгэнэ.

1.12. Зорчигчийг агаарын хөлөгт 1-2 метр зйтэй оруулах ба арын суудлын зорчигчдыг эхэлж суулгана. Эрүүл мэндийн шалтгаантай зорчигчийг түрүүлж оруулж болно.

1.13. Нисэх бүрэлдэхүүн зорчигчдыг хүлээж авахаас өмнө хамгаалах хувцас хэрэгслийг бүрэн өмссөн байна.

1.14. Нисэх бүрэлдэхүүн Коронавируст халдварт (КОВИД-19)-ын эсрэг дархлаажуулалтын бүрэн тун авсан бол иж бүрэн хамгаалах хувцас хэрэгсэл өмсөхгүй байж болно.

1.15. Агаарын хөлгийн дарга, нисэгч нь зорчигчид агаарын хөлөгт суухаас өмнө бүхээгт орсон байна.

**Хоёр. Нислэгийн явцад хэрэгжүүлэх арга хэмжээ**

2.1. Бүхээгийн агаар сэлгэлтийг зорчигчийн заалны агаараас тусад нь хийнэ.

2.2. Нислэгийн явцад агаарын хөлгийн дарга, нисэгч нь бүхээгийн хаалгыг нээхгүй, агаарын хөлгийн үйлчлэгч, томилогдсон албан хаагч, зорчигчтой шууд харьцахгүй байж, шаардлагатай тохиолдолд дотуур холбоогоор холбогдоно.

2.3. Зорчигчийг тасалбарт бичигдсэн суудалд суулгах, онцын шаардлагагүй бол босч явахгүй, суудал солихгүй, бусад зорчигчтой харьцахгүй, ярихгүй, эд зүйл солилцохгүй, хоол идэхээс бусад үед амны хаалтыг авахгүй байхыг дотуур холбоогоор анхааруулж, хяналт тавина.

2.4. Эрүүл ахуй, халдварт хамгааллын хяналтын улсын байцаагч нь агаарын хөлөг хөөрсний дараа тандалт хийнэ. /Зорчигчийн халууныг хэмжих, "Зорчигчийн эрүүл мэндийн мэдүүлэг"-ийг бүрэн бөглөсөн эсэхэд хяналт тавих, "ПГУ/PCR" шинжилгээний хариуг тулгаж шалгах, Коронавируст халдварт (КОВИД-19)-ын эсрэг дархлаажуулалтын бүрэн тун авсан эсэх, шинж тэмдэг илэрсэн тухай тэмдэглэсэн бол зовуурь, шалтгаан, аялалын маршрутыг тогтоож эрсдэлийг үнэлэх, суудлын дугаарыг тулгах зэрэг/

2.5. Зайнаас халуун хэмжихэд биеийн халуун 37.1 хэмээс дээш тохиолдолд З удаагийн давтамжтайгаар хэмжилт хийж, халуунтай нь тогтоогдвол шүүлтүүртэй амны хаалт /N95/-ыг зүүлгэж, бусад зорчигчоос тусгаарлана.

2.6. Халварын сэжигтэй тохиолдлыг агаарын хөлгийн даргад дотуур холбоогоор мэдээлж, агаарын хөлгийн дарга нь Монгол Улсын агаарын хилийн зурваст ормогц Нислэг хөдөлгөөний үйлчилгээний албанд мэдээлнэ.

2.7. Цуглуулсан "Зорчигчийн эрүүл мэндийн мэдүүлэг"-ийг шар өнгийн уутанд хийж, амыг битүүмжилнэ.

2.8. Зорчигчдын амны хаалтыг 2-3 цаг тутамд, бохирлогдсон тохиолдолд солиулах ба бохир амны хаалтыг суудлын урд байрлах цаасан уутанд хийж, шар өнгийн хогийн уутанд цуглуулна.

2.9. Эрүүл ахуй, халдварт хамгааллын хяналтын улсын байцаагч нь нисэх багийн гишүүдийн халдвараас сэргийлэх дэглэмийн хэрэгжижтэд хяналт тавина.

2.10. Зорчигчдод савласан ус, боосон хоол өгөх бол зорчигчийн суудалд урьдчилан тавьсан байна.

2.11. Зайлшгүй шаардлагаар зорчигчдод халуун уух зүйлээр үйлчлэхээр бол нэг удаагийн хэрэглээний аягийг ашиглан тавиур дээр байрлуулан өгнө. Гараас гар өгөхийг хориглоно. Үйлчилгээ үзүүлсний дараа тавиурыг халдвартгүйжүүлнэ.

2.12. Агаарын хөлгийн үйлчлэгч нь ариун цэврийн өрөөний суултуур, гар угаагуур, хаалганы гадна, доторх бариул бусад гар хүрэлцэхүйц гадаргууг 1 цаг тутамд автомаксаар шуршиж халдвартгүйжүүлнэ.

2.13. Хог хаягдлыг шар өнгийн уутанд цуглуулан амыг сайтар битүүмжилнэ.

**Гурав. Агаарын хөлөг газардсаны дараа хэрэгжүүлэх арга хэмжээ**

3.1. Агаарын хөлгийн дарга, нисэгч нь зорчигчоос өмнө агаарын хөлгөөс буух ба завсрын /шар/ бүсэд хамгаалах хувцас хэрэгслийг зааврын дагуу тайлж, гарыг халдвартгүйжүүлсний дараа амны хаалт зүүж, халдвартгүй бүсэд шилжинэ.

3.2. Улын онцгой комиссын Шуурхай штабаас ирүүлсэн нэrsийн жагсаалтын дагуу хилийн мэргэжлийн хяналтын улсын байцаагч зорчигчдыг шалгаж, тусгаарлан

ажиглалтад эрэмбэлэн цагдаагийн байгууллагын хяналтад шилжүүлнэ.

3.3. "Зорчигчийн эрүүл мэндийн мэдуулэг"-ийн хуудсыг үндэслэн зорчигчийг ангилан буулгана.

3.4. Зорчигчийг "сэжигтэй" "ойрын хавьтат", "эрүүл мэндийн шалтгаантай" /түүний асран хамгаалагч/, "бусад" гэсэн дарааллаар буулгана.

3.5. Зорчигчийн болон түүний ачаа, гар тээшийг тусгайлан бэлтгэсэн халдвартгүйжүүлэх байранд халдвартгүйжүүлнэ.

3.6. Коронавируст халдварт /КОВИД-19/-ын сэжигтэй зорчигч илэрсэн тохиолдолд бусад зорчигчдоос түр тусгаарлан, холбогдох байгууллагад мэдээлж, тэмдэглэл үйлдэн эрүүл мэндийн байгууллагын шуурхай хариу арга хэмжээний багт, шилжүүлнэ.

3.7. Сэжигтэй зорчигчийн ойрын хавьтлыг тогтоож, бусад зорчигчоос тусад нь тээврийн хэрэгсэлд суулган, эрүүл мэндийн болон холбогдох байгууллагад шилжүүлнэ.

3.8. Ойрын хавьтлыг буулгасны дараа эрүүл мэндийн шалтгаантай зорчигчийг хуваарилсан тээврийн хэрэгсэлд суулган, эрүүл мэндийн байгууллагад шилжүүлнэ.

3.9. Улын онцгой комиссын Шуурхай штабаас ирүүлсэн нэрсийн жагсаалтын дагуу бусад зорчигчийг тусгаарлан ажиглах байранд хүргэх тээврийн хэрэгсэлд суулгана.

3.10. Нисэх бүрэлдэхүүн халдвараас сэргийлэх дэглэмийг зөрчөөгүй тохиолдолд гэрийн тусгаарлалтад шилжүүлнэ.

3.11. Нисэх бүрэлдэхүүн халдвараас сэргийлэх дэглэмийг зөрчсөн тохиолдолд тусгаарлан ажиглах байранд өөрсдийх нь зардлаар тусгаарлана.

3.12. Сэжигтэй зорчигчийн мэдээг Мэргэжлийн хяналтын ерөнхий газрын даргын "Заавар батлах тухай" А/192 дугаар тушаалаар баталсан "схем 3"-ын дагуу шуурхай мэдээлж, хяналт шалгалтын нэгдсэн тайланг 8 цагийн дотор Мэргэжлийн хяналтын ерөнхий газрын Экспорт, импорт, хилийн хорио цээрийн хяналтын газар болон холбогдох байгууллагад хүргүүлнэ.

---oOo---